

叙州府志

古蹟

第八册





敘州府志卷十四

古蹟 坊表冢墓附



名域奧區荒邱廢宅物換星移遂成陳迹憑弔自今  
風景非昔紀勝推王考古儕儷登臨有懷感喟何極  
述古蹟第十

宜賓縣

夔道故城 卽今治故西南夷夔侯國也漢置縣華  
陽國志縣在南安縣東四百里治馬湖江會高后六  
年城孝昭六年始爲郡治元和志梁大同十年使先  
鐵討定夷獠乃立戎州卽以鐵爲刺史後遵不改治

敘州府志 卷十四

古蹟

宜賓

夔道縣周保定三年改曰外江隋大業三年復故唐  
曰義賓寰宇記會昌三年馬湖江水漂蕩隨州移在  
北岸宋改曰宜賓爲敘州治咸純三年隨州徙治登  
高山元至元十三年還治三江口卽唐故址至今不  
改縣志宋蘇軾戎州詩亂山圍古郡市易帶羣蠻瘦嶺  
春耕少孤城夜漏閒往時邊有警征馬去無還白頃  
方從化年來亦款關頗能貪漢布但未脫金環何足  
爭強弱吾民盡玉顏蘇轍戎州詩江水通三峽州城  
控百蠻沙昏行旅倦邊靜禁軍閑漢虜更成市羅紈  
靳不還投羶揀精密換馬瘦孱顏兀兀頭垂髻團團



耳帶環夷聲不可會爭利苦閒關明尹伸敘南曲七  
星厯厯面煙鬢千佛巖頭翠岫斑水合雙江波浪濶  
浮來塢影是東山鎖江北渡入涪溪亂石叢篁路欲  
迷太史遺文殘碣上武侯荒廟夕陽西

國朝胡瀛古戎城野望詩萬里風開萬里雲水流山峙  
色青青橫吞烟景成詩料細抹春光作畫屏城郭當  
年爭壯麗村墟今日苦零丁低徊先世遺踪在極目  
豐碑憶舊銘學使黃琮過敘州府詩推蓬一倚望喜  
見七星山江樹寒煙裏樓臺暮靄間馬湖奔巨浪烏  
撒接諸蠻五尺曾通道鄉園何日還張問陶臘八日

敘州府志

卷十四

古蹟

二

宜賓

過敘州詩風掠晴雲澹不收夕陽吹影上扁舟帖山  
樓殿平如畫插水林巒碎欲流爆竹聲繁逢臘日荔  
支香冷過戎州船窗自擊泥頭酒味諫軒南爲少留  
碧水丹山好畫圖一江金翠影模糊層峰細碎通烏  
撒古塔高寒表慶符蠻女蹋歌愁欲絕巴舩維纜暮  
相呼題詩眞作天涯客何必淹留笑賈胡朱雲駿敘  
州卽事詩山谷舊曾遊浮生復此留涼風吹木杪秋  
氣滿戎州蒼峴雲根峙清江郭外流百蠻遺俗改安  
化服先疇荆玉陞敘州懷古詩春盡金沙古渡頭荔  
枝香欲滿戎州詩人不見黃山谷一帶青山碧水流



新附

郿廢縣 治西北一百六十里華陽國志益州大  
姓雍闓反結壘於山繫馬柳柱柱生成林今夷人名  
雍無梁林夷言馬也本漢熒道縣地析置屬犍爲郡  
後漢省隋末復置唐武德二年省三年復置屬戎州  
天寶中改爲義賓宋太平興國初避諱改曰宜賓熙  
甯四年省入熒道政和間改熒道爲宜賓舊縣遂廢  
今有郿灘卽故址通志  
朱提廢縣 漢縣也在朱提山下置與廢無考縣志按  
此非漢縣有考詳建置

敘州府志

卷十四

古蹟

三

宜賓

開邊廢縣 治西南一百六十里

廢殷州 治西北二百九十三里

歸順廢縣 在治西北並縣志

宣化廢縣 治西北八十里縣志宋范成大宣化道中

詩瘦草蕭疎已似秋盤陀山谷水東流兩崖若不頑

如鐵爭得狂瀾拍岸休新附

韓原素祠 見華陽國志犍爲郡熒道下據補

東樓 治東唐建縣志唐杜甫宴戎州楊使君東樓詩

勝絕驚身老情忘發興竒座從歌妓密樂任主人爲

重碧拈春酒輕紅擘荔枝樓高欲愁思橫笛未休吹



劉兼詩重陽不忍上高樓寒菊年年照暮秋萬疊故  
山雲總隔兩行鄉淚血和流黃茅莽莽連邊郡紅葉  
紛紛落釣舟歸計未成年漸老茱萸羞戴雪霜頭新附  
西樓 治西宋譙炎建縣志宋劉翼之詩西樓何似在  
東樓但覺今州勝舊州山色不藏興廢跡江聲空載  
古今愁陸游詩畫船衝雨入戎州縹緲山橫杜若洲  
須信時平邊堠靜傳烽夜夜到西樓

國朝邑人邱晉成詩重城俯江皋岌岌起層觀曉構凌  
紫氛飛費入霄漢瓊瓏闢窗扉洞達卷帷幔窾巖廓  
西眺滉瀟悅東眄雲岫曖孤塔煙篠汲歸翰山川信

敘州府志

卷十四

古蹟

四

宜賓

開曠景色變昏旦戢戢市廛居紛錯皆可見緬邈少  
陵游宋寥使君宴舉竿追墮歡聆風想遺嘯芳塵竟  
誰嗣矯首深遐眷新附

經書樓 治中通衢四達處今毀縣志

譙樓 經書樓西砌石爲臺中空四達備極堅緻明  
末毀於賊康熙中知府張利賓復建乾隆甲申爲火  
所燬臺址尙存乙酉知府託隆重重建題曰大觀樓縣志

廷尉鄧時敏敘郡譙樓記雍正壬子夏余自渝州赴  
省試維舟於敘郡師來山陰之麓舟人云此郡之主  
山也遂攜一僕登之古洞仙臺禪林道觀無不周覽



回身俯視郡城布地宛如碁局官署民居可以指數  
城垣半就傾圮而遺跡猶存惟見府署東有樓巋然  
如所謂魯靈光者問之寺僧則曰譙樓也實爲西南  
之最云無何江雲起嵐煙接渺渺溶溶渾然一片城  
垣廬舍一時皆隱而茲樓尊竦獨立如泛洞庭湖望  
君山一點浮沉於煙波萬頃中也於是寺鐘已動返  
而登舟漁燈已布滿江岸矣明日水落始牽百丈去  
而茲樓之勝時縈繞於心目間乙卯應聘赴滇過敘  
州以公事期迫不敢作登臨想惟於船頭望山而向  
時景象覺猶在心目間久而弗忘也乾隆乙酉春予

敘州府志

卷十四

古蹟

五

宜賓

入

京師復供舊職夏六月宜賓鄭司諭修予表弟也以書  
來言郡有譙樓創自明嘉靖中昔之興廢不能遠紀  
洎乎

本朝再燬於火旋卽復之至戊辰又燬遂無有計之者敘  
守託公方蒞任伊始毅然卽欲圖之旣而念曰今郡  
城未葺樓櫓闕如而首規規於此人將謂我何事遂  
寢癸未春適奉修城之檄公與宜令初君元方竭力  
經營未期而竣公乃忻然曰譙樓之建茲其時矣於  
是肇工於去歲之冬百役効能踴躍趨事凡五閱月



而成深廣皆準乎舊高則視昔有加棟樑榱桷惟取其樸門戶窗櫺惟取其堅磚瓦石級各稱其宜望之軒如升之豁如公不自以為績也而郡之紳士欲得予之文以紀其事故不遠數千里丐修以為之請予讀其來書未畢覺向時所遇久而漸忘者今又恍然如在目前也昔杜子美宴楊使君東樓詩稱其勝絕不知此即當時故址否然以地考之當不甚相遠夫江山之盛昔已稱奇今又甯或有異况

國家承平日久生聚教養比屋可風而城垣樓櫓煥然一新正恐當時未必有此而可無以紀之耶余雖未

敘州府志

卷十四

古蹟

六

宜賓

獲識公之面然往昔歸養家居時固嘗聞於所知者得公一二善政耳竊熟焉而茲樓之建先後有序體制得宜則凡平日之所施為概可知矣今得附名其上以傳於後甯非厚幸又何敢以不文辭若夫山川之靈秀景物之佳麗彼都人士自能為公賦之是可無庸贅也已

新附

合江樓 在合江門外禹王宮右兩江會流為登覽巨觀國初建後稍圯嘉慶十年楚商修建會館併重新之扁曰夾鏡樓郡人尚呼舊名或曰大樓縣志學使周燦已巳春日再上合江樓贈高太守詩崔魏傑周



俯江洲持節重來作勝遊檻引高低峯競峭窻開左  
右水雙流事經亂後成新創地踞雄邊領上游最是  
使君能愛客一時詞賦盡應劉富順李九霞登合江  
樓詩戎城合江樓風雲與吞吐一年兩度登更值秋  
風楚水禽隨岸立沙鳥自成侶乍見小艇過翩翩翔  
且舞二水濁而清七星明可數嵐光似可染霞葉可  
爲舖因思洞庭遊悠然成化羽眺餘謁神祠積塵蠹  
鐘簾獨有常明燈燄燄金蓮炬禪室老僧閒趺坐分  
賓主怡然薰耳目慷慨相與語客歲江陽來倏忽易  
禾黍幾歎征途深愁破江山古黑業世爲緣歷久忘

敘州府志

卷十四

古蹟

七

宜賓

荼苦智慧終須定性心未易覩茫茫宇宙中大觀同  
逆旅燕雀亦鷦鷯大鵬亦倉鼠節義不可辨防害偏  
成侮所以古先民癡癡常自栩但識回頭路著地是  
元圃妙解甚昭融惜乎人肯許迦文了凡生默意深  
領取再拜罄交歡擊節復搥鼓興盡反招提明星已  
三五爰記壁間詩錯落書行楮幻滅共江風勿認離  
騷譜繁江李壽萱同友人登夾鏡樓詩東來無事得  
遨遊蘇轍時復凭欄看未休李時亮風月不供詩酒債楊萬  
里煙波仍駐古今愁李郢郡樓對玩千峯月白居易帆影  
中分兩岸秋游儀最是晚晴堪眺詠文徵明白雲無語似



相留周愔頤杖履逍遙水石間文彥博了無塵外累幽閑

韓琦招邀好客供談笑陳師道多與高人作往還杜荀鶴老

去始知身是客成廷珪興來兼酌酒開顏白居易當時不

敢辭先醉戴叔倫更恐顛毛自此斑王安石雪鬢霜髯滿

座寒杜衍花前賓客盡鴛鴦韓偓林間掃石安棋局李郢竹

裏行廚洗玉盤杜甫矍鑠據鞍時騁健劉禹錫從容談笑

尚能歡孔平仲酒杯何必勞人勸王禹偁卻恐長鯨吸海

乾朱子印晉成夾鏡樓晚眺詩馬湖江口最高樓風景

清妍豁遠眸星巖嵯峨皆北向雲濤澎湃自東流畫

闌一帶水邊寺柔櫓數聲煙外舟惟愛晚來山吐月

敘州府志 卷十四

古蹟

八

宜賓

波光搖漾動金蚪新附

冠冕樓 治西北取黃庭堅賦冠冕兩川句為名今

地

望江樓 治北師來山半乾隆辛亥釋子源海重建

今名紫金樓並縣志

弔黃橫 治北對江昔人為黃庭堅建後圯今為東

嶽廟土人猶呼舊名縣志李壽萱弔黃樓懷古詩請君

章草賦黃樓蘇軾聊為東坡載酒遊范成大造物無情吾

輩老陸游江山有恨古人休戴復古澄澄皓月供宵影程灝

漠漠寒沙擁故洲高翥極目滄波吟不盡王安石清風長



共好詩留

馮介新附

仰化樓

縣治東俗名小鼓樓乾隆二十二年知縣

李宜相建嘉慶十七年七月署知縣劉元熙捐廉二

百四十兩重修

蟾明閣

治南今圯

二老閣

治東中舊繪杜甫黃庭堅像

思賢堂

舊志云在鎮江岸今圯

廉靖堂

中和堂 舊志云俱在府治內

味諫軒

治北郡人蔡次律所居軒外植餘甘數株

嘗延黃庭堅飲因乞名黃題曰味諫

敘州府志

卷十四

古蹟

九

宜賓

妙墨亭

治東舊貯黃庭堅筆跡

見月亭

治西北

濯纓亭

在府學前

並縣志

鎖江亭

弔黃樓前今圯石柱猶存亭下石崖鐫鎖

江二字字濶四尺許宋純熙癸丑資中何師心書江

之南巨石上亦有之

縣志

宋黃庭堅詩西來雪浪如魚

烹兩岸百葦乃可橫忽思鍾陵江十里白蘋風起穀

紋生酒杯未覺浮蟻滑茶鼎已作蒼蠅鳴歸時共須

落日盡亦嫌持蓋僕屢更再次韻兼簡履中南玉三

首李侯詩律嚴且清諸生賡載筆縱橫句中稍覺道



戰勝胸次不使俗塵生山繞樓臺鐘鼓晚江觸石磯  
碁枰鳴鎖江主人能致酒願渠久住終莫更江津道  
人心源清不繫虛舟盡日橫道機禪院轉萬物文彩  
風流被諸生與世浮沈惟酒可隨時憂樂以詩鳴江  
頭一醉豈易得事如浮雲多變更鎖江亭上一樽酒  
山自白雲江自橫李侯短褐有長處不與俗物同條  
生經術貂蟬續狗尾文章瓦釜作雷鳴古來志士但  
守節夜夜抱關聽五更范成大登鎖江亭和山谷韻  
水口故城邱壠平新亭乃有緬鐵橫舊戎州在對江  
山趾下臨馬湖  
蠻江路蠻自江出必過城下故實鎖以為限今遷過  
江已失形勝而猶於亭下鎖江特以欄稅而已非本  
也昔歸歸艦擊汰若飛渡一雨輒明秋漲生東樓鎖江兩  
重客筆墨當代俱詩名我來但醉春碧酒星橋脉脉  
向三更郡醞舊名重碧取杜子美東樓詩重碧  
拈春酒之句余更其名春碧語意更勝陸游  
詩楚柁吳檣又遠游浣花行樂夢西州千尋鐵鎖還  
堪恨空鎖長江不鎖愁

敘州府志

卷十四

古蹟

十

宜賓

國朝王士正敘州鎖江亭晚眺詩望望朱提路夕陽千  
萬山落霞明極浦飛鳥近南蠻城角旌竿直江亭鐵  
鎖閒鬱姑臺咫尺煙靄畫圖間陳濬詩五子池邊樹  
影稀鬱姑臺下亂雲飛仙茅莫慰儂人鋪錦石難分  
織女機落鴈城空月皎皎打魚江靜雨霏霏荒涼且



莫圖安土猶恐籌邊志願違風高木落遍滄洲龍馬  
江光抱日流北引荒荒蠻樹直東連滄滄楚雲浮百  
年兵甲分天塹萬國車書阻上游草野何人收戰骨  
黃沙不散鐵衣秋特立縹緲山之亭無邊瀘水吹冥  
冥孤軍曾閃旌旆月獨客誰憐鬢髮星天柱秋標瘴  
草白石城晝壓霜華青三分漢業去已久遺表出師  
空淚零古洞陰崖積翠攢仙人恍惚駐雲端卽非李  
耳青羊肆猶見王喬白玉棺丹竈煙花秋似暖石林  
冰雪夏常寒夜深恐有吹簫至一倍紅顏惜羽翰新附  
流杯池 在縣北隔江二里兩石對峙而中通上下  
不可讀亭館雖毀遺址尙存

敘州府志

卷十四

古蹟

七

宜賓

國朝康熙初年巡撫張德地捐貲復構碑勒更新通志

〔樊鑑詩〕洞自巨靈闢名因太史傳曲流分石脈斷壁  
鎖寒烟山水見真性行藏卜晚年我車三入蜀低首  
愧江邊謝瑜詩鬼斧闢雲根靈泉繞砌輪流觴人不  
見看壁倒斜曛夜雨長秋水新題減舊文悠哉黃太  
史邱壑意猶存〔姜子羔吳峰招飲曲池詩〕使君有佳  
興邀我流杯池流水旣無盡杯來安可辭青天峰頂



落白日坐間移何處風流傳惟稱東晉時  
涂瑜詩聯

轡來幽境高風企昔賢雄文驚百代佳蹟重南川借

景亭非遠流觴水自旋撫時傷往事惆悵夕陽邊

借景亭舊在青神縣江鎖涪翁洞風流特地傳入溪穿落水過寺

起寒煙剝蘚尋巖墨逢樵問宦年飛來星作石槎泛

斗牛邊雙壁突孤根泉分九曲輪潺湲常帶雨迴合

易過曠寂寞玉堂夢依稀石鼓文懷賢誰有賦江籟

獨長存趙遠詩宦跡原無定詩名信有傳山深牛喘

月雨霽鶴翻烟吏隱猶逃世霞餐不計年羲皇傷古

道蕉鹿老江邊瓌瑋植天根韶華似轉輪雙旌風動

敘州府志卷十四

古蹟

三

宜賓

色數盞日將曛採藥吾生事雕龍孰善文浮名遺古

石竒節至今存李春先詩誰將怪石劈爲門引入烟

霞勢欲吞水有源頭通玉液人從谷口泛金樽坐間

羅綺山花簇席上笙簧鳥語喧曲折勸酬情不盡喜

看明月轉江村

國朝李暢詩中分危石夾清泉暗水浮花自此旋滿壁

有香留姓字豐碑全剝老風煙數莖芳草淒淒綠千

載流觴曲曲傳宋代名臣多失意高踪誰得似君賢

巡撫張德地詩朔氣馬頭催尋幽特地來觴流隨水

轉石壁自天開鳥訝遊人至雲橫遠岫迴寒花生曲



徑衰草遍高臺壁立題黃絹樽前布綠苔卮杯餘落  
日簫管憶蓬萊學使馮應榴詩蜀蹟多名賢涪翁以  
直譴高吟味諫軒寄傲無等院我來渡鎖江鼓櫂鬪  
洄漩登岸仄徑行秀色繞芳甸耳邊琴筑喧足下冰  
雪濺石梁挹飛湍頗愜靜者便雙峯忽突起如晤金  
焦面洞門晝昏黑蟻行曲穿線盤石劈上下古苔繡  
片片偃僂背虞壓悚惕色屢變拾級依小亭簌簌迸  
葱倩東西削玉崑細泉石罅見九重壘深窪刻畫成  
古研憩磴俯琮琤憂磬清音獻當年王使君欣賞共  
張宴流觴澹吟懷文采到今絢磨崖黃絹紛漫漶罕  
完善別蘇讀未終晚颼蒲葉戰林禽催客頻坐久有  
餘戀明府洵可人廣文亦羣彥索詩付鐫珉辦香竝  
伸羨終朝溯涪涪溪溪毛潔陳薦邑令查純陪馮學使  
臨流杯池詩文節紹聖間斥奸致涪謫涪翁自此名  
溪山爲生色戎州東北隅竒境坤輿闢巨石待翁來  
暱就路不隔泉流何涓涓深廣費丈尺洞形齷齪垂  
樞僂布瑤席重尋會稽遊雅集蘭亭客徘徊緬古風  
觴咏慰行役文成信瑰瑋妙旨堪細繹羣賢歛相從  
非緣絃酒癖九曲寫迴腸斯池心所泐迄今五百年  
俯仰如旦夕辰夏使者來長嘯雙峰側探幽愜素棕



敘州府志 卷十四

古蹟

古

宜賓

流連話今昔余愧澹宕人手版違蠟屐酌泉挹其清

枕漱心暫適淵源得所宗盈盈藻芹澤吁嗟涪翁時

世事類舉奕藉非涯槩超遺躅恐岑寂富貴等浮雲

卓哉介如石學使黃琮詩艤舟傍垂柳取徑入密竹

連峯雨初霽螺黛若新沐崖形巨屏風水紋生細縠

茲池誰所創吾家老山谷杯湖友可招蘭亭客不速

得勿慕柳子觴飲餘溪澳我來夏之孟巾帶謝鉤束

俯仰泉石間異代侍芳躅他日過中巖中巖亦有先生流杯池

蘭若須借宿枕流無不可一瓊酌醺醪李壽萱詩出

郭尋幽一笑新陸游漸來深處漸無塵朱灣聊開禊席臨

流水章峴起約良游醉好春朱子兼有清泉堪洗耳王守仁

况逢投轄苦留賓張耒流杯三日佳期過歐陽修誰是山

陰作序人韓琦飛觴泛水集羣賢白居易曳杖行歌意欲仙

陸游名勝尚憐如往日陳循春光應不負今年白居易偶逢

佳節牽詩興唐彦謙亦把湍流替管絃劉克莊且作蘭亭

歡喜集文天祥山陰重見亦前緣陸游

涪翁洞 卽流杯池石巖明盧雍遊涪翁洞記正德

十二年丁丑冬予按部過叙時左侍郎兼都御史南

峯劉公以總督採運事同寅尚弼嚴君以清戎事後

先臨郡相約爲涪翁溪之遊值雨驟來各題詩遣興



既而尙弼別去余載約公往肅謁翁祠乃徧觀宋元  
來磨崖諸刻大小楷隸行草各體咸備公謂余昔賦  
崖巔筆陣自縱橫之語爲得其真若曾涉其地者公  
甫至溪上陰雨開霽舉酒豪吟曰地因名士留奇觀  
天爲遊人放晚晴亦自以爲得意之句余愧弗能和  
也因記之郡守鄭濬詩卓犖如翁負重名豈期遷謫  
了平生試看今日流芳遠猶想當年正氣橫怪石有  
題苔未剝行祠無恙酒還傾奸雄地下應知否天地  
民彝萬古情涪洞逶迤趣本清懸巖猶有筆縱橫昔  
年遠竄渾如夢萬古豐碑憶若生入戶星山朝夕翠

敘州府志

卷十四

古蹟

五

宜賓

忘機幽鳥去來鳴斯文道義乾坤久紹聖於今世幾

更新  
輯

涪翁亭

流杯池石巖頂

縣志

芥隱筆記益部耆舊傳

云廣陵有老翁釣於涪水自號涪翁後漢郭玉傳亦  
然山谷謫涪州因以爲號明戴望詩昔賢遊息地追  
步費登躋高下田依隴縱橫石渡溪濯纓江水潤抒  
秀麥苗齊弔古人如見風光欲破迷傳應詔詩乾坤  
留勝迹我輩此攀躋坐據浮濱石觴流瀑布溪曳林  
蟬響急振羽鶴飛齊何處岷峨是煙霄望欲迷李壽  
萱涪翁亭卽景詩踏石披雲一逕通王吉小亭終日對



幽叢葛天琅玕繞屋東西翠楊萬里桃李臨波上下紅

趙春事闌珊殘雨後楊旦野人參語夕陽中陸游老來莫

道風情減陸游呼酒看花興未窮歐陽修○新附

黃山谷故居 在縣南門外無等院方輿勝覽黃魯

直以元符間寓居槁木寮死灰庵今猶存其寺黃庭

堅集紹聖五年六月至戎州寓居南寺作槁木寮死

灰庵後僦居城南名任運堂宋陸游山谷故居詩文

章何罪觸雷霆風雨南溪自醉醒八十年間遺老盡

壞堂無壁草青青據通志增

白猿洞 治西定誇山腰有石穴廣數丈中平坦可

敘州府志 卷十四

古蹟

六

宜賓

坐十餘人俗呼白猿洞相傳宋元間鄉人遙見白髮

老翁常坐其上壁刊山明水秀四字旁註明萬歷五

年二月十三日泗溪先生何恩同任何一都何遷題

新採

荔枝亭 在縣北舊有荔枝樹故名方輿勝覽亭前

一樹名萬朵紅最為佳品通志

江山一覽亭 君子亭 醒心亭 春風亭 超然

亭 舊通志俱在西湖旁通志按西湖即今天池興

廢俱無考明劉璽江山一覽亭詩鐵戟煙銷戍壘殘

危樓喜見峙江干地經轉戰雲常黑天入悲歌雨易



寒不盡雙溪留往恨尙餘一塔聳遙觀鬱姑仙去涪  
翁逝今古茫茫獨倚欄通志

鎮風臺 在城內東北隅舊有遺址乾隆四十八年

重建縣志

鬱姑臺 在縣北門外仙侶山頂通志宋楊真君遇  
仙子鬱姑於此縣志同一名遇仙樓乾隆癸巳學使  
吳省欽刻石曰隋鬱姑將軍之臺並考正鬱姑代北  
姓也隋伐陳治艦於龍游縣將軍爲開明月湖明一  
統志以敘之臺謂女仙康熙初郡守何源濬以謂妓  
皆誤嘉慶八年郡守淡士灝建修仍顏曰遇仙樓光

敘州府志 卷十四

古蹟

七

宜賓

緒二十年邑人重修

國朝樊星煒詩仙踪久不破莓苔臺下仙茅在自開不  
曉當年憂底事只今人喚鬱姑臺張松齡詩聞說仙  
人駕鹿車仙人一去白雲遮苔階清滴三秋雨洞壑  
寒生九月花欣睹孤城開列嶂更憐短荻閉人家徘徊  
復上窮高望幾處平原染暮霞吳省欽詩嘉州落  
都山久載景純識隋將氏鬱姑鑿開變洪浸隣封指  
熒侯百里帶衿衽一峯號師來有臺瞭祥禊傳聞鬱  
姑仙玉液此留飲我昔題惡詩欲辨口猶噤隋將宋  
則仙華胄豈遙蔭抑聞虔境山長公發幽吟鬱姑即



賀蘭官氏魏所任復姓孤有五鬱孤特湮沈孤也沿  
作姑耳食誤斯甚豈其重甲環而爲六銖絰壺觴遊  
客攜唾涕道童禁臨覽日未斜石闕睨柵枕又鬱姑  
臺似鬱孤臺杳渺霜鐘法界開亂水北吞三峽下斷  
峯南擁七星來荔支一過霓裳散桂樹重招鶴馭哀  
爲是兩川冠冕地醉扶筇杖獨徘徊楊端詩鬱姑臺  
上雲縹渺鬱姑臺下多仙草仙草果能挽壯顏鬱姑  
何不住人間神仙自有長生訣草根豈待勤搜抉春  
來獨上鬱姑臺笑看遊人紛去來去來劇草荒臺下  
不知誰是延年者邑令車申田詩窈窕峯巒映雲鬢

敘州府志

卷十四

古蹟

六

宜賓

媚遠天仙人還碧落臺榭凌蒼烟種藥靈根活餐霞

石洞穿鬱姑山上月鸞鶴影踟躕李壽萱詩仙人居

處卽鼇宮鄭俠虛倚闌干四面通趙師秀清景乍關松嶺

月武元衡古壇惟颭寶幡風程用楫細看丹竈凝煙地陳

莊久悟邯鄲夢幻中蘇過笑道神仙無處覓蔡佃鬱姑臺

下水如空黃庭堅樹滿荒臺月滿池劉禹錫仙冠輕舉竟

何之李嘉祐山林不受塵埃浣戴復古丹鼎何憂日月遲

大范成大神棗胡麻能飯客牟融白雲流水憶佳期劉長卿登

臨忽憶當時事周金願得相從一問師盧綸郡守淡士灑

遇仙樓落成詩六載戎州領郡符 君恩報稱愧全



無偶因出郭遊初地試更登臺訪鬱姑山水縈紆凝  
遠目雲霞繚繞護仙都興來一攬思宏構樂事趨工  
喜不孤蕉堯百尺矗雲端進步姑臺放眼看玉壘南  
來分疊嶂巖頤東下森迴瀾藥苗遍地生仙草鶴馭  
冲天想羽翰不道俗緣消未得且登高處一凭欄曲  
水流杯事未湮輕紅重碧宴芳辰名賢幾輩傳風雅  
羽客何曾接笑嚔錫杖卓空常近鶴桃源問路可無  
人劫灰莫辨丹爐冷妙道通元別有眞呼吸將毋帝  
座通雲關深鎖翠微中高城乍過滄江雨絕頂遙披  
闔苑風漫擬禪林聯白社每耽靈境靚青驄時和歲

稔欣同樂容我頽唐作醉翁楊柄銍遇仙樓詩挽不  
住大江東復東沙淘浪捲無終窮喚不起坡翁與涪  
翁古人代謝如轉蓬昂頭偏覺世局隘無端振觸櫻  
樊籠斯樓突兀出林表高摩星漢低蒼穹衆山一覽  
笑相揖傾倒四座生春風吸引江光入杯勺洗我抑  
塞之心胸此日不飲足可惜賓從况多陳元龍凌轢  
徐庾踏鮑謝時吐奇氣飛長虹酒兵百戰掠勁敵強  
於壯士挽瓠弓退者罰依金谷例往往出險爭奇功  
君不見干戈等兒戲忍教幻劫悲沙蟲與酣耳熱醉  
眼碧破泣爲笑呼天公有才旣難濟世用何如酒酒



成疲癯膏徒自煎漆自割冥心齊物師莊蒙吁嗟乎  
白雲如可招我欲乘之往崆峒黃鶴如可馭我思奮  
翼追冥鴻一如劉安雞犬齊飛翮回看下界青濛濛  
李壽萱登遇仙樓詩初尋磴道踏雲煙宋肇縹緲飛樓  
百尺連米芾掌上山川初入夢陸游尊前風月浩無邊朱子  
閒花幽草各自媚熊一卓老鶴喬松不計年李綱此地從  
來可乘興高適何須蓬島訪真仙杜光庭  
明申王府 在府城內舊志憲宗第十三子宏治四  
年受封未之國而卒嘉靖中鸞邸得銀萬兩今圯其  
基爲府學

敘州府志

卷十四

古蹟

三

宜賓

姜維屯 舊志府城南相傳姜維屯兵於此按城南

屬慶符縣地遺跡無考並縣志

荔枝園 九域志戎州有荔枝園明嘉靖圯新

勸農亭 治西北二里許遺址尙存旁有碑大書常

知縣勸農處六字崇禎癸未年立常知縣名士顯據

增冊

蟠龍書院 縣西北一百二十里越溪側宋程公許

兄弟三人讀書處今圯邑人樊曙蟠龍書院弔三程

先生詩程氏田廬今已荒尙留書院越溪旁聯鑣兄

弟流風遠續古文章翰墨香野徑尋幽先闢路殘碑



索句獨登堂何人更起龍圖業山自高兮水自長新

三臺書院 在敘州府治西北師來山明隆慶元年

知府余良翰建今廢通志周文記孔子曰在天成象在

地成形變化見矣昔者聖人仰觀俯察以盡裁成輔  
相之宜蓋取諸此粵若三臺上經紫微南垣三戩下

緯坤維犍壤亘綿而南巖嵒鼎峙爲統爲青爲雲霧

兩江界從列嶂郡北則三峯巘翠窈寵崔巋亦旣鍾

靈毓秀矣語曰天光下臨地德上載厥有旨哉億萬

斯年竟乏賞鑑落落長松鬱彼中峯題品之神端有

待者梅岡余公良翰起家名進士入朝爲司寇前年

敘州府志

卷十四

古蹟

三

宜賓

擢守吾敘政先作人乃爲儒生居業卜其善地丙寅

夏月偕郡人觀察使蘇溪卞君陟彼三山眺此三江

心怡神爽爰請於當道建置三臺書院中爲文星祠

以主茲山之勝翼以精舍凡若干楹課兩庠諸生拔

其尤者爲橫經之所前作重門以闔內外後爲文會

堂以警編磨若乃空中樓閣迥出塵表士有虛霓貫

斗牛排雲叫閭闔者奚待豪傑而興乎嘗謂天下之

事懵於羣迷而開於超識自有天地則茲山與俱顧

非培塿於昔而突兀於今者殆山之靜而無求於人

知而人之見每蔽於遠覽匪人曷以樂山匪智曷以



緯地奚啻廣莫之野七聖皆迷卽名山勝槩禹跡弗  
違而未經奠定者何限是可以慶茲山之遇繹山院  
名義式昭興賢重典俾吾郡後進之士將自慶其所  
遭之辰夫天之三臺象也地之三曜形也人秉二儀  
三才之理涵養之以三物負擔之以三綱徽之而爲  
三代之治元愷於唐夔龍於夏伊虺旦奭於商周式  
克允踐三臺之位上不失明於三光者尼父祖述憲  
章立三極之矩爲百代之師光芒長射乎太虛仰止  
有重於山嶽升斯院也可以自勗已昔李白讀書戴  
天山而語落驚人謂山靈有助非耶然而申召白嶽  
降傳說爲列星人傑地靈匪我誣者尙慎旃哉居無  
損於臺光進無負於臺階爾矣大中丞二華譚公綸  
題其額分守萬公思謙分巡崔公棟兵憲錢公于隣  
總其成貳守吳君應臺襄其後若別駕何君玠節推  
楊君愈茂則又先是協衷作人德意光照吾土於法  
得書

孝節書院 在敘州府西二里有孝子陳相吳順吳  
審節士任永費貽孫鎔像又稱孝節祠

涪翁書院 在敘州府北又稱文節公祠明成化十  
八年周洪謨有修祠記



東山書院 在宜賓縣治西舊縣丞署乾隆二十三年丞署移設鄧井關知縣文俊彭夢采教諭鄭修倡捐合邑紳改修講堂學舍二十九年知縣初元方重葺有記並通志

慶符縣

漢陽廢縣 在縣南通志有考詳建置

焚道廢縣 漢置即今縣治通志按此有誤詳建置

石門廢縣 在縣南十里唐置

鹽泉廢縣 在縣西

撫夷廢縣 在縣西

敘州府志

卷十四

古蹟

三

慶符

廢曲州 在縣西唐天寶中徙置

廢祥州 在縣西一里宋政和三年置

來附廢縣 在縣西北十五里並通志

南詔王碑 舊志在石門界唐貞元七年袁滋題見

通志

郝都堂故里 在縣西門外魁樓街明郝都堂住此

後遷郡城西門外豎坊於東街葬於雪灘其子孫落

業鈞連縣

大雄寶殿 在縣西門外天甯寺正殿簷前明成化

戊戌年孟春賜進士監察御史知澂江府事白鎬書



岱宗行宮 在縣北東嶽廟朝聖樓前石坊刻此四

字明知縣張拱辰書字長邁勁

並縣志

得月樓 在縣西明知縣張明卿建明延鶴記粵稽

古觀遊文存於今者往往賢達之作攀蘿躡蹬始一

造焉倪茲慶陽介萬山之中江水發源

缺

數百里竟

西流距於闔闔焉若江固奇矣而上之巔以曠豁勝

寺距城僅三里西山之麓獨當此山之盤旋

缺

寺猶

曠奇而匪粵志載西江夜月爲佳景耳但有巖壁而

已幸丑春邑侯張公蒞任凡三禩適蜀多事民力竭

於徭役公一切以寬恕愷惻時與民休息故政和訟

敘州府志

卷十四

古蹟

五

慶符

簡惠敷化洽且適神武蕩平番夷四境甯謐公於政

暇乃合寮友登西江以嬉觀望且悼前從事戎馬之

場雖欲事此得乎實惟天地神靈乃有今日也徘徊

四顧神鑒賞焉山川紛糾殊稱勝概惜無樓臺以爲

觀望於是依山臨水鑿崖瑩石捐俸創建樓閣又下

壘石岸爲釣臺凡構櫺節稅之崇廣瓦石甄瓴之參

差牕櫺戶牖之爽豁丹雘黜聖之相宜悉自公之裁

制焉三閩月而樓成集賓朋以讌於斯公手搏絲桐

目盼還雲顧而歎曰舉凡渙然逝者爲川寂然靜者

爲澗巉然削者爲巖浮然峙者爲沚轟然聳者爲峯



競然渡者爲舟鬱然而烟火輳集焉者爲村爲落與夫隼鷲而鳥舉魚涉而鳶定草木之蒼蒼烟雲之吐納罔不交映乎簷廡之下矣矧春和景明瑞瀨凝翠秋高氣爽天宇益清斜陽半落好月初臨水光上下萬頃一碧皆茲樓之所先得也吾取以名吾樓焉若庸知予之樂焉又疇知予之所以樂乎日將莫矣牛羊下而飲平川樵人歸而渡益喧漁歌欵乃牧唱嘯咿前呼後應絡繹而民歡凡四方走集千里風帆咸於茲棲泊焉此皆吾民之樂也悠哉游哉吾與吾民共適耳已及公旋而邑人士父老羣相萃止樂其樂

敘州府志

卷十四

古蹟

五

慶符

焉昔惟知天惠我仁侯糗我哺我衣我喫我以訓我迪我又庸知構茲勝概以遺我一游一豫於無窮也歟於是邑人士王維文俸王有敬暨父老等相與伐石於山以紀盛美以余從事於工竣之末當董筆札之役也余辭曰古人紀勝概出自胸臆蓋境與志合理因事宣茲惟公文公曰不可者再鶴乃敢以日所聆公建樓之雅意始末而論次焉夫公胸次悠然聖門協軌觀夫樓中制作濯塵襟以碧水寄清興於白雲真於世味未嘗少滑其中故其政平其事理其民安其上信無何公當峻涉華要簪筆瑣闥豈爾慶民



所能獨私也哉公諱明卿號冲霄南中無錫人也邑人士父老相與唯唯以予言譬之棠詠遂刻之云

並縣

志輯

冽井寒泉 在縣署前左側石碑書此四字相傳此井水味甘美後碑圯井閉嘉慶四年邑令時畏天復開鑿古井甘泉四字

拱極樓 在縣北城側今城隍廟後古建舊傳樓臺高聳上接雲端今石柱尙存

朝陽洞 縣東一里文殊寺左側有石洞口濶五六尺深如之每朝日出時巖石皆赤寺右有西湖晚景

敘州府志

卷十四

古蹟

三

慶符

趙家烟故昔有朝霞晚烟之說洞額刻有朝陽洞三字今已風雨剝蝕不可摹塌

省耕亭 縣城外一里今地僅存石柱

靖邊亭 縣東五里舊有任瀚平蠻碑今圯

石門古刻 縣南十里石門知縣石如金書坦途二字刻石筆力遒勁

觀音泉 縣東十五里觀音巖下有清泉冬溫夏涼其甘異常乾隆三十二年教諭陳瓚題云洞天甘泉印盒石 縣西二十五里黃龍窩下河岸側石形如印盒舊有印盒二字今剝蝕



清平潭 縣西三十五里萬曆二年征九絲夷副使  
李江督運軍糧挽舟而上至新灘見水勢洶湧大書  
清平潭三字於石字跡遒勁

涼水井 縣東四十五里有二井相隔數尺其水對  
面而出冬溫夏涼味最甘美常有虹光繞之咸以爲  
異

鐵獅井 縣北五十里來復渡後有井一眼井上有  
鐵獅長二尺高一尺餘其水澄澈不滓頻汲不涸相  
隔數武有一枯井深數仞形似八卦石砌十三層每  
層刻鳥獸花卉龍鳳蟲魚底有黑石一塊中有微眼

敘州府志 卷十四

古蹟

三

慶符

鄉人欲揭其石不能動頃刻烟霧上升風雷交作迄  
今人不能犯

天井灣 在縣北來復渡山上有盤石焉形如覆釜  
井居其內傍有小口容人若天成然其水甘美異常  
四時不竭

門關井 縣東六十里寬丈餘深數丈其水清澈異  
常相傳先世有石門自關後人開之方得水飲

石牛 縣北六十里永甯鄉其山有石似牛伏之狀  
傍有石船一隻今跡尙存

起龍灘 縣北六十里先名困龍其形似龍蜿蜒偃



仆嘉靖間主簿蔡建碑於其岸更名曰起龍

龍洞 縣東六十里木葉壩山下有泉湧出清潔可

愛山半有洞最潤大鄉人有持火深入者莫能窮其

止境其中有水最清涼病者飲之輒愈舊志載神龍

居之早禱必應卽此洞邑舉人樊嵩齡鑿有雲門陸

澤碑記並縣志

劍巖 縣東一百里漢陽山道傍有石如劍刻劍巖

二字縣志石上刻明同知袁世南詩神物何年掛此間

秋風遺跡却生寒分明兆爾平蠻蹟留與人間作畫

看又同知吳和韻詩寶劍誰投向石間光芒猶射斗

綏州府志 卷十四

古蹟

三

慶符

牛寒料應洗甲天河日壯蹟留來萬古看

國朝邑人樊肇新詩溪澗豁如劈清泉半隱伏驚流漱

雲根寒聲裂地軸怪石力撐天危崖倒懸木峯高日

上遲壑暗雲歸速徑路厯崎嶇礫相攢簇飛猿畏

攀援野鳥時剝啄拊膺思愚移竒窮續阮哭何當六

詔遠倍益層巒蹶不避險負戴日追逐豈知物

外人險夷不驚日因依附蒼崖隱見一漁屋新附

千層碑 縣東一百里漢陽山石巖旁有石如碑次

第五層高可五尺上有大石斜遮之俗名孔明千層

碑其第一層已斷無字按武侯外傳云漢陽山大道



旁石上武侯鑄平夷餉道四字卽此是也

一碗水 縣東一百二十里長甯小河與溪水合流處名兩江口觀音座前一石阿形如碗水從石縫間流出其水冬溫夏涼飲之令人疾疫可除四時不盈不竭

象鼻石 縣東一百二十里落角星江中石形如象相傳下有水獸居之舟至每患沉溺明嘉靖中知縣段有成命土人立廟鎮之獸遂潛匿無害

鹽井沱 在縣治漢陽山下小河溝中濶數尺水獨鹹可以熬鹽旁有龍洞冬溫夏涼水旱不竭

敘州府志

卷十四

古蹟

三

慶符

寒泉 縣東北一百三十里馬蟻巖石壁下有井至今填塞壁鑄寒泉二字字跡迺勁並縣志

征蠻故道 方輿紀要漢陽山在縣北八十里相傳

諸葛武侯南征駐軍此山縣志今巖壁上鑄武侯征蠻故道六字按漢陽山相傳武侯南征過此語出方輿紀要縣志通志引此俱作華陽國志誤今更正

歇馬石 在南廣小河北流入江處有巨石生江中其上有三十七字云開禧元年其日甲午南溪令與客焦昌朝訪武侯歇馬之石齒齒橫流真竒絕也鼓觴弔古而下筆法清勁水漲其石卽不見縣志



月亮石 在人字牽峽口外月口上渡河中其圓如  
月水涸可見舉人樊嵩齡題有江心月白四字於岸  
石縣志邑人樊肇新詩我今不見海上之神仙貝珠宮  
闕高躋攀又不及蒲颿掛月洞庭曲把酒君山酌烟  
鬢世中名勝不共賞造物限制緣何慳月溪之盛在  
月石長年淪沒波潺潺含情載酒徒偃仰閣筆無題  
來譏訕今來浮出亦何異五月特見蒼苔斑艤舟掃  
石酌桂醕水清石瘦圖寫艱上倚蟾蜍下蛟窟酒徒  
穆穆金波間咫尺雲霞供裁剪週遭烟水相廻環何  
須遠遊侈豪邁勝地天與非塵寰且觴且咏莫休息

敘州府志

卷十四

古蹟

三

慶符

遙林漸落蛾眉灣平生耽咏不喜飲每逢勝地必醉  
還得意渾忘酒量小狂歌不覺詩力孱祇恐驚起蛟  
龍作雲雨明朝倚棹空潺湲新附

星宿石 在壽尊場相傳角星落而成石故壽尊場  
有落角星之名昔時夜常有光邑舉人樊榮祖有縱  
被罡風吹下界不隨頑石墮人間之句惜忘其全首  
金魚井 縣西北一百二十里七星山下水冷芳冽  
宋涪翁蘇東坡曾遊於此涪翁嗜茶寓居郡城嘗遣  
人遍汲泉水試之極稱此水爲佳

流米洞 三字在牛鼻寺詳寺觀志



諸葛較場 縣北一百四十里舊志載諸葛武侯平西南夷駐軍此山今山中有較場在二等坡雪頂寺下與白雲寺相對平地三臺中一臺有石高五尺上鑿一眼係中軍帳插旗之處又傳中有金佛二尊無心可見

石井 縣東三十里通書壩文昌宮傍石巖下生成一井其味甚甘邑增生嚴緩猷設館於廟常飲此水造就多人題有書泉二字字亦遒勁

並縣志

魚躍亭 舊志在縣南廣洞下每歲清明前後魚自下躍上張網捕之所獲甚夥

通志

明傳應詔遊魚躍亭

敘州府志

卷十四

古蹟

三

慶符

詩凌空撐一柱傍水映三臺浪白魚頻躍山青鳥自來有田禾稻熟無月桂花開問俗同過此停車坐草萊高珍詩獨亭臨雪浪孤柱插天臺落日時還照清風爽自來倚欄魚忽躍對酒菊頻開立志期廊廟何憂困草萊楊愈茂詩江水臨天柱文星拱映臺忘機魚自躍乘興客偏來景媚心先醉風高桂早開共遊佳勝地心擬到蓬萊

新附

銅鼓池 縣西三十里周迴四十餘丈四時不涸中

有一石如鼓因名

據通志增

社堂神柏

明邑人何源記

蓋聞社所以祭土也考



之戴經仲春命民社仲夏命有司爲民祈社故國社之外其散在於閭里間者樹木立社或松或柏各隨其土之所宜而封植之以致美報詩曰以社以方其明徵已今誤以社爲祭天蓋爲社本於天亦報本反始之意云耳龍洞溪漕之有社舊矣宋靖康四年里人李熙創立於寶蓋山緣踞絕險登陟頗艱景炎二年春熙四世孫景忠祀畢卜遷以妥神棲先拔二柏扛其爐行方里許而雷電交作風雨驟至卽委以歸明日覆閱二柏已若樹矣相顧驚駭卽其地建成之不日厥後凡旱澇疾疫必禱於此歷數百年二木陰

森蔽芾碍日連雲愚民罔識動懷覬覦不知神實憑而依之未可問也萬厯庚戌葛公奉命鳩採甫入界而馬折足執柯就瞻毒蛇滿樹卽醮以歸事遂寢嗣後郡人李可旺胡三臺妄請斫伐旋罹奇禍種種靈異載在人口胡感應若是之速哉蓋一鄉之長一邑之宰苟有惠澤猶能使其後因人愛樹感物思德况靈育捍禦是資而顧翦伐之所謂庇焉而縱尋斧者也抑又忍矣豈知得不償失貪也而實愚乎源非惑於禍福之說顧嘗徵諸傳聞斯理非謬因豎石杜萌以告世之貪而愚者庶勿及於悔焉



富順縣

虎頭城 縣東六十里虎頭山宋咸純初移監治於此元初仍徙舊治邑人李九霞詩宋治古城號虎頭巍峩埤闕壯千秋爪牙隱伏青松下噬嗑長吞碧水流沙草不留仙客恨野花偏供路人憂從來恃險無如德多少金湯在廢邱

富順監安撫司 卽虎頭城

雒源郡 治東萬壽寺右洪武二十年設富邑鹽課司於此

來鳳廢縣 唐書武德元年置屬瀘州九年並入富

敘州府志 卷十四

古蹟

三

富順

世縣今基址無考當在隆昌之雙鳳驛

富義鹽井 華陽國志曰江陽縣有富義鹽井左思

蜀都賦曰家有鹽泉之井劉淵林注曰蜀郡臨邛縣

江陽郡江陽縣漢安縣皆有鹽井唐元和志曰富義

鹽井在西南五十步月出鹽三千六百六十石劔南

鹽井惟此最大其餘又有井七所舊唐志曰俗呼爲

玉女泉寰宇記曰井深二百五十尺鑿石以達鹽泉

其餘又管大小井六依元和志考之則富義鹽井在

今縣治內宋時立富義監於此自晉唐及宋鹽井之

盛在今治內蓋元明間井泉枯竭至



國朝而距城百里之自流井廠最盛王家井次之亦地脈流徙之故也元和志曰其餘又有井七寰宇記曰其餘又管大小井六知富義鹽井實一井而產鹽蕃富非若今時井廠掘鑿遍山此涌彼竭未爲察識地理矣今城北山礫間時有煎釜爛鐵鄭王臣詩利錐斲山骨矻矻無春秋直下數十仞石盡巖泉流圍竅大如盃瓶罌不可投汲深自有術機事甯足羞截竹綴水韜繫以素纜修人力不能引引用騾馬牛轉轆轳楫楫轉一日一百周千盆瀉滲漉萬竈燔薪槩炎炎敲霧作蹙蹙清波收或散若玉屑或疑若晶球作鹹

敘州府志

卷十四

古蹟

三

富順

佐民食功與煮海侔念彼熬鹽子昏夜不暫休辛苦豈敢恤公私庶無憂李芝賦含冲居士寢處風雲棲心遠淡遊詠無垠窮造化之根底攬品彙之蓋蓋有逆旅王孫味五鯖羅八珍品溜澗之濃淡別海錯之酸辛談陰陽之元妙步居士之後塵揖而進曰余聞齊竝渠展國以殷富神農育井易稱受福固記傳之所詳亦無煩於再瀆維西川之鹽井稱山海之奧隩吾子之所熟悉能覩縷其條目乎居士曰夫鹽井者潛穿地穴倒喻洪濤山澤通靈水火相遭熬波成石鎔液爲膏雖沿象於夙沙實寓巧於園刀爾其創於



炎漢盛自祥符扶嘉暗點侯坤畫圖皇甫之所權按  
郭泌之所陳書黔滇濟闕軍國所需雖遐方天末偏  
據一隅而富國通商亦匹具區矣其始掘也匝地驥  
駢連山容鑿天車排闥以林立地架喧虺而鼓作素  
綆蛇游以蜿蟺輓轆震震而駭愕幽石爲之泐坼地  
軸爲之礮錯窳窳冥寥淡漠尋海脈卜水蹤銷  
玉女驅毒龍潛鑽蝸象之窟直搗馮夷之宮羶羊驚  
憚於水府巨靈誓伏於幽窿覺千仞之猶淺引一脈  
以淵通路入地外達海之淵泓泓瀆瀆瀆瀆瀆瀆瀆  
黷兮莫窺其際森漫兮莫測其邊爾其硎湘竹汲鹹  
泉勢吞吐而如意氣開閉而自然徽緇千尋而纒纒  
胡繩百尺以連連伊左縈而右拂羌前紆而後旋蟾  
屈兮似黃龍橫影以亘霄蚴蟻兮似青蜺倒飲於深  
川連嵐光以紛糾綴地維以相牽憑畜力之推挽按  
五御而蹠躑爾乃馬蜀駿縱吳牛翹關執轡离角鳴  
鞞齊步曲之止驟抑罄控以夷猶歆紅光血汗溝靈  
夔走鬼神愁倏眇電戰羸駮雲流發危機於勁弩碾  
狂飈於木輞曲若盤盪噴漩而婉轉烈若猛象虓虎  
之魚然於是窮涯而往飽量而回出窅窅而徐引隳  
幽脈以潛來韉索逆提而海立尾閭噫氣而波洄搏



流沫以還繞激飛瀑以相推無俟漢陰抱甕之術何殊大甯自湧之奇哉爾乃連阡薙草隨山刊木複澗杈枒陰崖跌踣修則松楠下及榆槭糝以菅葭雜以蕭蓬有山皆童無嶺不禿面塊圯而通闌巨溝衢而帶闡水陸兼輪旣舟車之千行草木漸包亦羸驢之百隊陵聚紛紛邱累對對鱗差則狼藉如雲山積則崔嵬似岱爾其砌以陁突注之釜鬻比稽康之煨竈像歐冶之鑄金霹靂吐火列缺施燁一合一散歛晃歛陰沸波激而涸涸滾奔迭而滲淫薪傳而午夜不息灰起而晴晝成霽揚光煒灼而晦夜春曉流汗震

霖而六月秋霖流煙爲霧晦日揚霄鹵氣橫江而作綺紅塵赧起以建標嶺有磳而皆薰山有木而同焦雲則靄靄而駘黓風則炎炎而鬱陶於是披沙汞成飛花雪亂初出素以霏微更硜碯而鮮燦提來傘子類柳絮之輕盈煥出水晶正琳英之璀璨榷課經邦周通里閭往來輻輳雲合三巴之間轉運輻輳貫注南黔之半於是逆旅王孫蹶然而喜曰聞子之言曲盡人術寶應之瑞未足奇陵州之取無此逸誠富強之雄都而泉刀之宅窟所以相養而不窮占汲井而得吉乎居士曰不然夫河東鹽池帝天所祐安邑鹽



城化工所受無疏導之艱難自流行於宇宙茲則水火之所兼資智力之所矯揉農人之苦有春秋竈民之苦無日晷其或鹵水枯竭樵薪難構人事之反覆風雨之馳驟常覺禍福之無時固可得而細究也惟是春日遲遲芳草菲菲諸煙共色麗景流暉喜國課之早完樂坎底而忘饑又若梧桐葉落月彩飛明車聲嗶啞梆子嘍嚶固手皸而足趺亦對景而怡情若乃夏日陶陶炎風晶晶若回祿之蒸人入洪鑪而相繞亭午而氣不蘇夜深而汗未了或焦頭而爛額或顏赧而目眇慙跳梁之鳴蠅羨栖林之高鳥又若隆

敘州府志

卷十四

古蹟

三

富順

冬夜半陰霾無端扶車楫楫絡馬嘽嘽風飄兮內寒雪積兮衣單往復來兮歎息縱復送兮盤桓又有獶猺黑齒嚙噉紛紛白露又趨捷爲羣赴湯蹈火懸梯入雲又或突掘瓶羸煙驚塵起水火激而相爭山石頽而將倚虎之饑兮下巉巖蛟之橫兮出清泚岌岌乎洶洶乎避不及而形虧礧礧焉軫軫焉旋相震而身死誠人世之危區而艱苦無過於是也逆旅王孫長唉不已乃爲辭曰鹽兮何所似海沙未勝此試置懷袖中三年應化紫

火井 縣西九十里井深四五丈大徑五六寸中無



鹽水井氣如霧燧焯上騰以竹去節入井中用泥塗口家火引之卽發火根離地寸許甚細至上漸大高數尺光芒異於常火聲隆隆如雷殷地中周圍砌竈鹽鍋重千觔嵌竈上煎鹽巨晝夜不息如不用以物閉之火卽滅或欲別用以竹筩通竈引之可以代薪燭亦用泥塗口火光從口中出泥口焦熱竹通身皆冷不燒又謂茲火秉陽精良於灸病嘗有皮囊囊之行數千里越數月竅穴以火引之光焰不滅知縣金肖孫詩驅車採名勝再拜問祝融胡爲炎上者乃與潤下同我聞荆湘地泉氣澈蒼穹或作黃雀雨或作

鯉魚風方恨水經注湮沒此奇礬不意臨釜川變化更無窮有井穿陽谷烈焰伏其中聊然借腐草聲呼百丈雄赤霞連紫電絳雪帶青虹熠燿騰五色繚繞老龍宮倒吐藜頭杖光鋸午夜朮上可搖星斗下復照蠶叢縱有雲林手層煙畫不工嗟彼煉師家擅巧最玲瓏永水何時見彼爲凡火攻應知燧人氏軫念我哀鴻九淵一炬起高岑列竈烘能省樵山力兼成煮海功豈止凌三楚抑且傲二東此間有至理坎離互相通誰修博物志莫漫欲書空別駕鄭王臣詩昔聞火生洲今見火出井青煙一縷升紅焰忽四迸始



然氣尙微稍上勢愈猛焱若火牛犇狂疑燧象騁烈  
風助欲歎杲日掩光景山丁竅井旁通氣入竈桂其  
上置釜鬻熬波日夜併無煩鼓鞀勞詎用束藁請旣  
不憂薪窮亦不愁灰冷注水如沃焦成鹽在俄頃偉  
哉造化功坐使人力省我來囊火歸彌月光熒熒聊  
用照文書官燭不須秉季芝賦岷山積瑞井絡流輝  
火井含靈郁郁菲菲爛光華於梁域值炎漢而中微  
景重熙之復巨炕陽道而芳馡煌哉灼乎焜耀何年  
斨斨向日焱焱揚天隆隆震震睽睽電延碎崖爍爍  
錯采嬋娟陽谷流金焦谿噴泉彷彿金銀之氣飄搖

敘州府志

卷十四

古蹟

三

富順

野火之煙吁復吐兮朝紅而晚綠糾復縷兮輝山而  
媚川爾其化工爲鑪洪鈞爲匠大不及圍深不過丈  
石礮礮而礪礪山嶽崿而幽垓中瀕洞其冲融外砧  
礪而森爽夫其幽光而未曜也陽氣潛吹陰靈鼓盪  
吼谿窟樅岫峴窈兮冥兮歛來歛往疑風雷行乎地  
中入窅窅而排颺象馳駭駭以駉駉兮聲殷殷而煩  
響紛總總而簪濯兮氣衝衝而亂上於是借燄浮光  
依微耀熿雪煜土囊之口紛披垓漭之歧甫熉烘於  
突窳旋票煽乎天垂忽威燁而燧焮時燿焮以赫曦  
或分敷而斜插又拔擻而縈纏若將絕而將續終汎



艷以爍爍熒臺摘錦而煜煜炎洲布繡以離離其爲  
狀也燁燁飛花礮訇吐箔旭旭熒熒焮焮燭燭扶霽  
色以成霞亂嵐光而錯落雪積而寒谷春回炎蒸則  
陰崑石鑠花明陌上三春之麗景同鮮虹現峯頭半  
嶺之煙林共灼迫而視之若珠還合浦而綺縟璇源  
遠而望之若劍躍豐城而光搖斗杓若乃星火西流  
倏焉素秋涼飈夕起熠燿宵遊因風散彩著雨如油  
霹靂飛芒於穿浹熒惑退舍於巖幽炎華崑嶺榮耀  
蕭邱又若矚睇重陰靉靄晦明炊陽烏而灼彩頻玉  
兔以宵驚元豹隱文而借色妖燐遁影以藏精時邀

犬吠作伴人行繁非食火之國羌連不夜之城於是  
居人野老此焉是趨因岩架屋累土爲鑪培井甃之  
陁突導滄洿之濁污程表洞裏鑿溝通衢或分光而  
異照或聚氣以攢朱無煩積薪家獲青藜之杖不勞  
鑽燧戶流玉屋之烏燎原比而炎炎不熄燃石異而  
炯炯不殊是則離精所炳鹵氣所結煙驚杜宇之魂  
碧點長宏之血逢井汲之明時抱孤光而郁烈雖掘  
地而無泉亦相養而不絕若夫崑崙之火山南海之  
火國俱荒遠而不經亦蒼茫而難識何如茲之熬海  
波而利及閭閻代松脂而功資紡織燭物而不矜其



明燥物而不居其力古人可作無俟借讀於囊螢貧女如逢應惜餘明於山側也

自流古井 在今富義廠榮溪水濱相傳井水自然流出非人力鑿鑿所成巖崩井塞乃於他處開掘無算

讀易洞 在治右神龜山下西湖書院前宋隱士讀易洞中著易樞明知縣周夔重修乾隆丙申知縣段玉裁訪尋其處建讀易亭明知縣熊載詩一篝燈火已經年冷燄誰噓復更然太極有圖含萬象梅花無語露先天月明雲影天光後春在花紅柳綠邊只此

敘州府志

卷十四

古蹟

三

富順

一丸堪濟世不須方外覓神仙張潮詩西湖勝地何年構東閣梅花此日開古洞煙霞圍碧樹官庭風露溼蒼苔墨池光動蟠龍窟芝草香生起鳳臺尊酒望高吾欲賦歲時荒境愧非才

國朝知縣劉上駟詩隱君明易理借洞衍諸文衡泌難移志干旄罔在郊蹟因搜始出人以處成高千古堪歌咏雲霄一羽毛隆昌令朱雲駿詩薛翁詣純粹名晦迹未湮靈區佩江洛秀氣鍾天民潛修復李氏遜世惟韜真巖陬洞穴古石壁環隱嶙西湖漱鳴玉泉溜交渚蘋汨汨虛牝叩肅肅歸鳧馴陶然日玩象易



樞自清純月窟燭元奧風軌超俗塵賢侯慕至道曠  
代神明親欽岑曉榭峙駮駮飛除新薛翁旣崇祀抗  
希闡沈淪願言謁雲關齋被時省身邑進士李芝詩  
地府通靈沼峭壁森巖嶮何年鬼斧開窈窕翠屏裂  
神龜此毓蟠相從時蹙躡每聞風雨夕吹散千峯月  
幽人共窟眠滌蕩元微徹包蒙太古心展象義文列  
曠哉超世志奕代名昭揭丹竈悵雲封紅泉尙井渫  
我行屬冬首仰止窮披閱荷柄倒西湖淨碧吞滲沱  
逍遙步堤址徙倚面城闕名山素摟情況復懷曩哲  
問字未有因悔尤苦羈繼吟風采瑤華詠言意空結

敘州府志

卷十四

古蹟

望

富順

帝子祠 祀光武帝微時在江陽所生子見華陽國  
志今無考南雁吳省欽漢光武江陽兒祠辨漢光武  
微時過江陽有一子望氣者言縣有貴兒氣王莽求  
之縣人撩殺之後世祖爲子立祠於縣謫其民不冠  
帶及罰布數世見於常氏酈氏之書而樂史謂祠在  
方山者也光武九歲而喪南頓君二十八而起兵觀  
其勅吳漢夾營數語洞如指掌疑蜀若舊遊者然卽  
位後雖嘗下詔自征公孫述而僅次長安少時勤稼  
穡弱冠後之長安受尙書性又素謹厚其過江陽狎  
外婦生子計惟十七八九可任稼穡時事江陽非遊



宦地又未必有如陰麗華者之聞於時間關跋涉壯夫不爲蕩子不爲其誣一光武起兵以壬午十月明年九月莽誅光武尙臣更始莽卽患光武何不祇購光武而購區區數千里外之弱子殺之其誣二狹邪私孽行跡已秘旣貴後人每諱之光武果有是兒人何由知莽何由購業購之殺之事蓋無如何矣何自爲之祠以揚其惡其誣三續漢郡國志江陽注引華陽國志曰江雒會有方蘭祀蓋方山蘭祠之誤蘭與闡通必祠外有巨欄者光武卽位三年立親廟於雒陽祀南頓君以上而祀儀未設十九年始爲南頓君

立皇考廟立鉅鹿都尉皇祖考廟鬱林太守皇曾祖廟節侯皇高祖考廟所在郡縣侍祠蘭祠而爲是兒立也其立之於考廟之先耶則理太舛謂之於考廟旣立之後則泉鳩之痛久可已矣其誣四司馬彪曰臧文仲祀爰居而孔子以爲不知漢書郊祀志著秦以來迄王莽典祀或有未修而爰居之類眾焉世祖中興蠲除非常修復舊祀是光武卽有是兒江陽人卽爲兒立祠光武猶將毀之而何自爲祠也其誣五范增言沛公有天子氣蘇伯阿言春陵有佳氣其後率皆驗兒果在襁褓中被戕其氣恐亦蕭瑟矣其誣



六自莽居攝後劉崇翟義劉快皆起義兵而臨淮瑯琊荊州綠林平林所在兵起江陽人縱不能如犍爲士大夫之拒公孫述而爲光武所嘉何遂承奉莽旨取卯金氏之子而殺之惟恐不早其誣七光武豁達大度其嘉犍爲士大夫褒卓茂祇以激厲名誼而反側子且令自安江陽人卽殺兒不過一人或一家之咎乃胥縣之人而股其生襦其服雖秦隋之興不爲此其誣八夫以若此之誣而志地者無不信之或由建安十八年劉璋以犍爲枝江都尉改立漢安縣其地卽前漢之江陽而莽嘗封安漢公後人疑莽食邑

於此欲甚莽之惡而不覺其誣光武也是又未敢信也

西疇 城南七里廣六十畝萬松森列舊有亭臺齋館泉石花木盤踞山上今疇存亭臺俱廢

南浦讀書臺 在縣南浦宋嘉定乙亥李氏歸隱刻讀書臺二字於石壁明邑人熊過南浦聞雁詩卜築人間遠滄浪秀可餐長天一鳥去明月數鴻殘何處迎風爽流音度遠湍匡牀醉欲醒秋色不勝寒知縣熊葵向九日同友人登南浦樓詩佳節近重九爭誇南浦樓遠觀山秀峙靜鑒水清流賦就酒無量詩狂



筆不休憑高何所弔應在宋眉州

勸農臺 在勸農山

此君亭 卽八卦亭在典史署後劉上駟詩沿堤開一徑直接此君亭綠愛篔簹茂紅憐草木馨情懷耽就月蹤跡忘飄萍倘問其中趣書聲最可聽

思賢亭 在西湖副使顏正詩久抱思賢志今見王子亭徘徊湖上立空對四山青

浩然臺 超然臺 西湖亭 挹清亭 吹香亭

發興亭 湖光亭 凌波亭 醒心亭 春風亭

渙樂亭 景濂堂 以上俱在西湖久廢

敘州府志 卷十四

古蹟

畧

富順

清陰軒 在治西今廢

臨賦亭 宋嘉定間邑人吳永錫建眉州石正行有記

振文樓 在縣南魏了翁有記今廢

煙霏閣 霧隱堂 在縣北中巖宋丞相趙雄有記

清操堂 在治東

清華閣 桂子堂 在治西

思政堂 愛直堂 以上俱宋建久廢

柳溝書院 縣東北六十里宋李文淵建並舊縣志

南樓 在縣南縣令虞易簡建通志



朝聖樓 在小南門街口舊名尊恩樓前明工部尙書甘爲霖致仕歸不忘君恩故建是樓朔望朝服登此北向朝拜至

國朝樓將傾圮甘氏後裔重建並祀公神主於其上新縣

增志

西湖書院 在縣治西舊有李見讀易洞明嘉靖四十年知縣周夔於洞前建立書院中爲景賢堂後爲凌波樓兩傍爲講堂上有滴露亭六年縣丞侯秩增修今廢新縣志侯秩記神龜山上負縣治臨西湖麓有隱士李見讀易洞曠廢適五百載嘉靖乙酉前令周公

敘州府志 卷十四

古蹟

吳

富順

遜始修復之仍拓旁地創室若干楹欲館授生徒迺祠名宦鄉賢以示從入之門匾曰西湖書院崇先哲作後人以培治化視瑣瑣自營者遠矣但未就而去余丙戌冬來假息於此甚惜之明年春李大巡姚少參二公行部至偕臨視之遂檄發贖金以余董役事而陳令子中亦尋至乃與節其所完補其所闕前功始畢豈勝蹟理不終廢而興廢亦有期數歟雖然讀書之院百工之肆也進止則存乎其人得其門而不升其堂不入其室皆自棄也矧文辭而已乎作者意固有在也嗚呼又安知後日不以是爲博塞籛廬之



所也耶邑人胡璧詩湖光蕩漾湖水綠新向湖邊作  
書屋波濤洶湧似文章景界深幽隔塵俗淡煙繞楹  
硯屏清秀色映窗圖書橫一夜晦明雷雨作拍天捲  
浪騰長鯨周士誠和熊立堂明府移置書院贈諸生  
詩集唐嘉遷喬木近劉莊物方外賞雲泉儲光義芳樹羅  
仙仗令狐楚金尊對綺筵陳子昂四鄰依野竹楊顏萬古覆  
蒼煙張籍元轡飛霄外孟郊青雲在目前高適持衡看藻鑑  
杜引甫引領屬陶甄王良雲閣英華入蕭嵩文星拂座懸元稹

附新

南溪縣

敘州府志 卷十四

古蹟

望

富順 南溪

南廣故城 在縣西六十里濱江之李莊場舊為李  
莊驛本漢夔道縣地梁於此立南廣縣隋改南溪在  
唐嘗為戎州治乾德中縣移治奮戎城即今治故址遂  
廢通志曰戎州故城縣志曰南溪故城皆謂此也又  
按通志云舊志有奮戎城在今縣西七十里舊置李  
莊驛於此蓋即唐時縣治以其嘗為州治故名是誤  
合舊治今治為一矣方輿紀要南廣城下曰在縣治  
南漢縣也亦誤

岑參別業 名勝志在龍騰山下參從明皇幸蜀尋  
守嘉州後罷寓此成化中掘得斷碑有南溪州三字



傍題唐人岑參別業道光十九年知縣翁紹海就龍騰寺東偏建屋三楹供岑公栗主題曰龍騰別墅又建石亭一座爲攬勝之所題額云勢如湧出縣志岑參詩結屋依青嶂開軒對翠疇樹交花兩色溪合水重流竹徑春來掃蘭樽夜不收逍遙自得意鼓腹醉中游

國朝學使黃琮詩補闕官諫垣鵬鶚善搏擊髮白莫興歎老作二千石青山綠水問吏隱良不惡官罷居南溪灘聲落枕席正復慰夙願漁竿釣深碧獨憐杜拾遺淒涼幕下客錦水與灤西何處得安宅新附

敘州府志卷十四

古蹟

吳

南溪

愛蓮亭 在縣城內泮宮西今廢

敬一亭 在鳳凰山學宮後

清虛閣 在縣北今廢

濯纓窟 縣東五里後擁龍騰前臨錦水每當春夏之際撫瞰綠波漪漪可挹明邑令高暘因刻石題之

並縣志

鴛鴦圻 縣西三十里卽黃氏女沈水尋其夫屍處晉永和三年桓溫軍至青衣李勢發兵拒之其將督堅引兵自江北鴛鴦圻渡向犍爲卽此通志作縣南誤縣志邑人包本芳詩鴛鴦圻上陰雲裂鴛鴦圻下浪



西泊鴛鴦生死不相離漢家烈女傳黃帛投江不減  
曹娥孝殉夫直奪英皇節一十四日天地迴遺骸突  
出鴛鴦積先雄挽手面如生瓊貞抱尸心共烈吁嗟  
乎又可蹈兮志不可奪鐵可磨兮氣不可折千載英  
靈照漢家熱血如潮漢江碧君不見黃帛坎前鴛鴦  
墳生不同居死同穴學使黃琮詩馮夷出盪雙旌颺  
瀆淖如屋不可當妾夫乃以一葦杭中流溺身如沈  
湘傾河涕淚班新篁上下求之水一方願為鯁鯁同  
相羊玉骨鮫宮不敢藏隻身浮出清波傍曹娥百代  
齊流芳篋篋再談心慘傷蘋花采采升馨香梁間飛

敘州府志

卷十四

古蹟

四

富順

起雙鴛鴦新附

過兵灘

縣西南二十里相傳邑人侯良柱提師靖

寇於此駐兵一日里人在望不暇過問也邑令作詩

送之刻於石今剝落惟傳全川父老望旌旗之句縣志

漂海樓

在縣南岸一名水月樓濱琴山之江有巨

石焉在水者仰而立在山者俯而踞明浮屠隆月因

山石穴其中列以神像接以堂宇植以叢篁隱然世

外氣象昔人遊覽石刻甚夥今剝落不可辨縣志明邑

人劉忠重修漂海樓記南溪古蹟觀音禪林隔大江

之南遠縣二三里許其間危巖峭壁修竹叢林古所



稱琴山普陀巖也往昔開拓始事前碑載之詳至我朝永樂間有邑人郭庸鄧佃避靜寓此剪芟荆莽培植松篁每一凭闌延竚望城闔咫尺盡歷歷如畫圖輒欣賞不盡而俯瞰大江東流逝者如斯又不覺感慨係之矣後來名流士夫或彌留煙景拈韻劈箋或往聽松濤臨風把酒然非朝投而暮反卽春至而秋去誰歟真好樓居者長爲巖谷主人浮屠怪月自入斯境身心一致落落無塵俗狀爲引清風則窗前藝竹自饒古意則月下聽琴眞叢林中之緇黃也適成化十二年冬有陳梁輔高鸞二君子往謁茲境見其

樓閣就圯上遭風雨下亦褊狹而有礙於拜掃無足當於觀遊爰協破吝者二十有奇交相勸導惟喜惟歡朽腐者更換之傾斜者整飭之樓殿聿新軒窗洞達秩然煥然不踰日而成信乎幽足以格神而明足以感人豈徒避暑逃禪爲一邑勝地哉重修工畢不可無記徵文於吾時成化十三年菊月旣望因樂書此以紀之明李廷龍詩飛鳧搖蕩巴渝水問俗尋登江上樓徒倚閒雲生石壁凭軒清籟自靈邱鳥從竹裏分新逕風在楹前動小鈎相望川南民皞皞一時經濟與君收劉景寅詩漫爾登臨一快哉老僧與我



共徘徊門前流水自消長石上浮雲閒往來俯仰不  
同今宇宙等閒疑是小蓬萊嘔嘔寫得遊山記莫使  
蒼虬隱翠苔邑令高暘水月謠并序水月樓者春元  
劉少梁道青城方池翁所題也余一日偕少梁喬梓  
及學博仰春周君乘暇到此見樓臺掩映竹樹交蔭  
俯矚灘流舟航迅發眞百年一瞬夕聞耳方池翁予  
先大夫同年友也予過青城方池翁詢及予先大夫  
服食起居宛然如故因感而有作以誌一時追憶之  
思云爾鷺水滢洄漾月晶琴山隱隱水絃聲蟾宮龍  
窟相照應時有嬋娥佩珞瓊仙子窺簾報東曉巖前

敘州府志

卷十四

古蹟

五

南溪

丹鳳呼雛小鸞笙鼉鼓喧如雷永年道士尋瑤草玉  
壺臺前渾太極樓臺雜杏琴聲巧俯觀畫舸如走馬  
蒲牢穩坐石山下

新附

彈琴臺 在縣西北名勝志唐楊發彈琴於此瘞琴

其下父老言每夜靜人或時聞琴音發亦家於此唐  
楊發詩茅屋往來久山深不置門草長迷井口花落  
擁籬根入院將雛鳥攀籐抱子猿曾逢異人說風景  
似桃源

通志

飛霞閣 名勝志在黃烈婦西阜上有飛霞井嘗有  
赤鸞自井中貫日觀者如堵因建飛霞閣焉今廢

縣志



琴洞 縣東北十五里明進士闕濟可山常攜琴遊

憩於此石壁刻闕可山彈琴處六字縣志明闕濟詩成

連不復見太音誰與希山水託知心千古一鍾期不

學昭文欽且和淵明詩白雲洞口生清風與之歸石

壁滴空翠松風涼我衣橫膝調素琴泠泠奏清暉心

以靜而安樂以和而微元鶴蓬島來相對渾忘機物

我兩俱化悟者其庶幾寄語後之人勿墜缺芳徽新附

李公洞 在縣龍騰山洞為李八百所鑿額鐫曰李

公洞八分體字畫迺勁可觀

折梅亭 在縣龍騰山李公洞前宋楊萬里詩李真

敘州府志

卷十四

古蹟

三

南溪

宅子故依然道院西偏石洞前一日身遊八百里三

番花落九千年通志

仙源壩 卽今縣城古名仙源壩

涼暑亭 在縣龍騰山大書三字見蜀碑記補志略

並縣志

壽谷 縣北三十里侯少保故里峭石數仞壁立三

峯以下環拱如獸形呈異狀一石橫空如橋曲達深

谷中空可容二丈許藤蘿雲翳潭水澄鮮真洞天也

明進士劉景寅題有壽谷二字今漫滅縣志邑人包本

芳詩曲徑入盤谷三峯天外青陰岩森鬼斧殘溜散



珠星窟險蛟龍伏山梁虎豹腥閒來琴一操萬壑響

泠泠新附

雙童石 在雲臺山側有二石肖童子對立雨後苔

衣披碧雲霧中如欲對語明進士汪忱讀書處有讀

書臺

太公石 在太公岩上有石丈餘如老人曲躬垂釣

岩下有數石如龜鹿獅象為縣龍曜氣

半月岩 在龍王寺側有石岩曲如半月其下花土

光潤土人掘深十數丈造為白磁碗鑿傷太甚

歇臺 縣西十餘里縣龍至此跌斷於田中忽起如

敘州府志 卷十四

古蹟

五

南溪

草蛇灰線耕田者犁之復自墳起

朝珠石 在歇臺前有山太陽金形環拱迎龍上有

紫色堅石纍纍圓列如珠以百數大者徑丈小者數

尺

硯池石 在縣南漂海樓頂巨石挺出岩唇圓潤中

窩四時水自不涸今墜

琴山書匣石 在漂海樓側橫石疊如書帙明劉進

士有琴山書匣四字

琴枕石 在琴山後脈自西來石梁至此如琴之枕

土人鑿石為塘斷其石脈以致硯池石暴毀



丁丁石 在縣南蘆亭渡江邊有石躍而仰岩上有石踞而俯如雌雄相向

臥佛石 在漂海樓頂巨石懸岩口石下洞空數丈

石佛臥其中香火有年同治五年為土人鑿斷琴枕

硯池石墜壓臥佛石傾閉僧亦未出又其下花紋石

甚夥今鑿無幾均面縣城大有關係明劉戶部有惜

石說宜豎碑禁鑿

紗帽石 在縣東觀音閣下巨石如紗帽形以上近

龍騰山江邊大小百餘石俱峭立如帽

朝靴石 在川主廟下江邊一巨石向上如靴形

敘州府志 卷十四

古蹟

古蹟

南溪

龍兒石 在縣東九龍灘三吸浪有石蟻蜿如龍以

前九龍被鑿惟存此

朝陽洞 縣西六十里 並縣志

琴山書院 在縣城內南門左乾隆十八年知縣王

采珍建 縣志

鳳翔書院 在治北半里唐進士楊發讀書處今廢

縣志知縣翁霖霖開館詩大業新傳衍諸家定一尊不

因成指授安得探淵源道以文章著人先品行敦負

墻憑細講促席或同論夜雨侵窗潤春風列座溫書

聲鐘作限詩思墨留痕落落襟期遠恂恂意氣渾就



中頻說項何事復推袁况是奎占聚剛如律應元棟  
梁真轟起羽翼必騰騫雁陣待賓主棠華認弟昆及  
時齊假館隨寓任開軒繫古功名樹都從俊秀掄教  
常周里黨學不問田園勉爾窮經事懷茲勵志言相  
將成竹箭好待采瑤琨自笑腰徒折猶然舌莫捫得  
毋同技癢故乃又聲喧官舍全依郭精廬半隔村青  
雲何藹藹活水自泔泔恰記流觴近爲看執贄繁弦  
歌誠未逮管領敢辭煩槐舍羣材出蓬山宿課存鳳  
翔千仞處珍重入師門新附

雲臺書院 在治北八十里雲臺山明進士汪忱唐

敘州府志

卷十四

古蹟

三

南溪  
長甯

佐讀書處今廢作寺縣志廖蜀望詩窗外翠搖鶯喚柳

簷前影動鶴翻松晝間對景無餘事一曲瑤琴奏午

風新附

長甯縣

廢涪州 今縣治唐置宋置涪井監九域志涪井監

在瀘州西南二百六十里據通志增

安甯廢縣 在縣境內其地舊名娑婆計宋熙甯中

置安夷砦嘉定二年改爲安甯縣元時省入本軍明

洪武四年復置安甯縣七年並入長甯縣安甯遂廢

武甯廢縣 在縣境內其地舊名小溪口宋熙甯中



置武甯砦政和四年改設武甯縣尋廢

武侯砦 在縣東相傳諸葛武侯建以警夷者

武侯塢 在涇灘岸上輿地紀勝云諸葛武侯所築以警夷者卽馬伏波銅柱意也

凌霄城 在縣東七十里宋理宗時雲南邊警制臣

蒲澤之以天子命令帥臣朱禛孫措置敘瀘邊面築

凌霄城爲屯兵峙糧之所舊屬長甯軍磨崖鐫字至

今猶存明司訓李天祿詩誰向山城峙糧鼠狐消

盡又豺狼而今幸際昇平世悵望雲峯鎖夕陽並縣志

桂華樓 在縣東宋建輿地紀勝在長甯軍城東明

敘州府志

卷十四

古蹟

五

長甯

統志後改名桂香亢爽宏麗明周洪謨詩太清宮殿

紫雲端雙桂婆娑帶綠團元霧浮香來几案長天垂

影墮欄干風前蕊綻黃金細月裏根分碧玉寒見說

長生原可學待傾沆瀣滿銅盤

芙蓉樓 在縣西北又有熙春樓在縣北通濟橋上

俱宋建今廢

鬱藍樓 在縣西方輿勝覽在介湖上樓久圯今遺

蹟尙存明周洪謨詩介湖湖上鬱藍樓湖廢樓傾幾

度秋青草帶烟荒別巷綠禾乘雨秀平疇雕甍畫棟

灰成劫皓月清風水自流信使人間陵谷變梓材誰



構踵前修

福安樓 在縣忠祐祠前宋建今廢

臨流閣 在縣西又名舞雩亭方輿勝覽在嘉魚泉

上明周洪謨詩臨流高閣今何在此地波濤去不回

日曉輕烟長自合夜深明月為誰來沙隄略約蒙青

草石罅泉流漱綠苔更憶昔賢修禊日幾番酬唱此

流杯

龍吟閣 縣志在縣元武山上舊為觀音閣明嘉靖

間知縣吳師朱改建每當春暮村樹交花山禽對語

城中望之如畫圖然明吳師朱詩樓閣盡邱墟龍吟

敘州府志

卷十四

古蹟

五

長甯

突昏曉豈徒候送迎亦以資登眺雲從勢絕高雨餘

青未了推窗天地間蠻落山拳小

清風閣 在縣治內一名圓通閣明周永隆詩嵯峨

高閣倚天開長有清風四面來撲去襟懷塵萬斛何

須烟雨羨樓臺

迴龍閣 縣城南一里雪泉前崖上遺址尚存

忠敬堂 在縣治宋時建

正己堂 在縣治宋時建

關墨堂 在縣治內

酌水堂 在縣治內



登雲亭 在縣寶屏山上明周永隆詩置身原立最高峯况復亭登第一重萬里青雲生足底爲霖咫尺快從龍周洪謨詩華亭舊壓翠微巔此日登臨想昔賢尚有清風留宇宙更無遺蹟在雲烟壺觴空付東流盡欄檻催臨北斗懸况是秋高更勞落黃花獨采夕陽前

漱壑亭 在縣西

吟窩 在縣東縣志李禹所築藏其先人遺書處今圯明侯啟忠銘君子之居百世秀野君子之歌維風維雅山川之情羣鳥攸鳴或比或興君子之情含茹

敘州府志 卷十四

古蹟

五

長甯

芳菲知幾知止文獻所徵洋洋詩史或斂其襟或曳其履其華韡韡其實維賁君子之旨至於典墳投之好音以壽斯文

箐齋 在縣東縣志明尚書周文安公幼時讀書之所今圯明周洪謨自記余故鄉方言凡竹木茂者皆呼爲箐竹曰竹箐木曰木箐按爾雅釋文皆無其字廣韻精韻等篇則爲箐音其義皆別惟本草載金星草出戎州喜生竹箐中不見日處宋史趙適征晏州夷夷酋所居林箐深密戎州卽敘州府晏州在長甯界蓋本草所云由是觀之則箐之說惟敘府以南長



甯諸縣爲然而他郡則不然也余生十有三歲卽趨侍先君子官所又十餘年歸故居嘗齋未三載爲正統甲子叨薦之京師又明年卽還朝後四年以使事過家計今行年四十有一而羈寓於外者將倍於家居之日是豈能無鄉土之思哉幸而金陵官署有修竹茂林與故園相似故名其讀書之所亦曰箐齋不忘鄉土之思也

烽火臺 在縣甯武鄉高峯上卽古烟墩遺跡旁又有烽火亭今廢明周永隆詩宋時邊備有墩臺照見蠻鄉入寇來願挽銀河洗兵甲萬年長此靖烽埃周

敘州府志 卷十四

古蹟

堯

長甯

洪謨烽火臺詩馬鞍山脊翠微巔不覺翱翔在半天烽火消來芳草合塵埃飛盡野花妍亂峯雜沓鳥蠻外古色微茫鳥道邊緬想昔人勞簣土而今幸際太

平年並通志

烽火亭 在馬鞍山烽火臺側今毀

瑤碧亭 宋時建今圯

風雩堂 宋時別圃今圯

蒸霞亭 在小桃源宋趙太守建今圯

昭然堂 在小桃源宋趙太守建今圯

笑齋樓 在小桃源宋趙太守建今圯並縣志



棲碧軒 在小桃源宋趙太守建今圯並縣志

小桃源 在縣西冷水溪上輿地紀勝在長甯軍城

西冷水溪上嘉定乙巳郡守張公市民田種植桃李

創置亭榭通志詳山川類桃源洞下

藕花洲 距縣城四十里劉氏宅內楊庚藕花洲賦

今使浣花溪上未構草堂栗里廬邊難栽煙柳縱風

流杜老滿腹多詩瀟洒陶潛盈樽有酒而蓬門開處

伊誰不速以來三菊徑掃時孰則相尋於重九此劉

子香亭之所以鑿地爲洲環洲種藕也想其經營伊

始相度頻加登山而望在水之涯於此間疏泉鑿石

敘州府志 卷十四

古蹟

李

長甯

又奚羨泛宅浮家乃屬園丁鋤餘鴉嘴載邀匠石構

出簷牙或如立或如舟修焉美奐美輪環映於盈盈

一水在葉南在葉北天然不支不蔓挺秀乎灼灼干

花則見橋橫宛宛徑曲森森千竿翠篠一帶疏林扶

筇往眺蠟屐憑臨就茅亭而設榻倚竹檻而披襟楚

楚而陳焉則有酒壚茶鼎牙籤麈尾彬彬而列焉則

有膽瓶銅鼓瓦硯瑤琴先生乃回環四顧握管沈吟

稽之爾雅水中可居者曰洲小洲曰渚肇錫之以此

而勒石於林陰於是暇輒來遊涉以成趣盼四圍而

得景多佳擬八詠而分題索賦竹溪停舫登水榭以



吟風桃浪觀魚向板橋而問渡望西屏之黛色拖來  
爽氣亭中襲茅屋之花香行傍柳隄深處詩筒遠寄  
人爭羨白雪之吟和客遙賡子大滿青藜之譽所可  
慮者王子敬詩酒徜徉莫尋桃葉張志和煙波嘯傲  
未有樵青則境雖幽雅人乏娉婷而竟天天之子郁  
郁芳齡雪罷藕絲齊歌采采拈來蓮子特立亭亭矧  
復玉樹雙生品發芙蕖之秀行見瓊枝兩美名齊菡  
萏之馨豈猶不足供我友之暢懷於亭榭快意於沙  
汀也哉乃有皮陸者流羊求之輩意切瞻韓情殷訪  
戴於焉嘉客乘興而來所謂伊人中央宛在穿叢篁

敘州府志

卷十四

古蹟

空

長甯

於曲岸鷓鴣齊飛問活水於源頭蜻蜓作隊門扣童  
開籬驚犬吠步自林間來乎軒內先生無不倒屣以  
迎銜杯而對維時一泓水綠四壁花紅簷霏小雨牖  
廠疏風珠傾翠蓋杯製碧筩射覆分籌樂在羲皇之  
上浮瓜沈李歡騰香國之中客稱既醉主趣無窮遊  
王摩詰之輞川情懷迴別邀李青蓮之明月興會差  
同僕也徒多酒債敢號詩狂小築鷗村人住芙蓉江  
上別開芋圃家鄰翡翠山旁頻來蔣詡之徑久醉伯  
倫之觴芳情信有遊興未央近聞玉井峯頭花開十  
丈更說金蓮院裏燭撤雙行願看花於



上苑爰誌別於芳塘新

東溪書院 在長甯縣東門外節孝坊周世祥築今

湮通志

文明書院 在縣城南明嘉靖間邑紳李仕清建講

學其中知縣吳師朱撰記通志吳師朱記書院為文物

所係予任長邑即循名求實皆蕪廢惟文明書院為

李少參公所建獨存因於公暇諏考其閒蓋嘗聞公

歸田時謂往者學而優則仕矣今仕而優可忘學耶

乃即城南隙地一區構精舍三楹團繚以垣周植花

木又西蜀一東坡亭也延杜太守會稽公於中正襟

敘州府志 卷十四

古蹟

奎

長甯

危坐樂得英才而教育之望之泥塑如程明道即之

兩腳踏實地如司馬君實可以想見其為人矣即門

下士主公於木春秋禋祀而以友恭大參侯公配焉

此所以為書院乎何則皆所以明人倫也自師道不

立而友誼湮久矣今之執弟子之禮則在師者可知

也達師幽冥不負之情則在友者可知也第為公誦

讀遺書磨勵往行使公之廉節忠貞接踵於世則在

君臣父子昆弟之間者又可知也存者如此則廢者

在昔之各以實勝而今以錫類復焉又可知也長甯

非屬多才也耶予因樂為之記新附



高縣

廢高州 在縣南六十里唐置羈縻州領柯巴移甫徙西三縣宋至正間知州張景良移治懷遠寨鳳凰山下明洪武中知縣王旭復遷今治

柯巴廢縣 在縣西唐初置宋省入高州

移甫廢縣 在縣南唐初置宋省入高州今歸化鄉

龍背山即其地

徙西廢縣 在縣南定邊堡宋省入高州

將軍柱 在縣南定邊鄉巨石屹立高數丈其形如柱

敘州府志 卷十四

古蹟

奎

高縣

藤蓆堡 在縣南歸化鄉明初置戍兵守之

寫字巖 在縣南定邊鄉正洲峭壁如雪色白昔人書為善最樂四字於石上

定邊鄉廢城 縣南二百四十里土名黃草坪明初設衛登土城南北二門

楠木園 縣北三十里省志在縣西二十里今訂正

連珠閣 縣東十里七寶山上因七山相連如珠故名省志在縣東六十里今訂正

桂花地 縣東北六十里地多桂樹秋來香滿林谷相傳月中桂子落地仙人拾取撒於山間而生



寶家樓 在綏來鄉三甲陳村五里有兩石樓係昔日土堡司官故址今羅氏卽其子孫

三寶寨 在歸化鄉左一甲頂有三山如寶

蓮花池 在安甯鄉胡家村為胡司馬致仕時所開

形如半壁夏月蓮花盛開右有竹樹濃蔭儘堪憩息

並縣志

臨淵閣 縣志在縣北前臨澄淵淵水合流曲折若

抱檻外佳木鬱葱憑欄遊目野渡往還鳶魚飛躍恍

若身在瀛洲也據通志增

筠連縣

敘州府志 卷十四

古蹟

畝

高縣 筠連

廢筠州 在縣南漢南廣縣地寰宇記在戎州南四

百七十里南廣溪洞

廢連州 在縣西寰宇記在戎州西南廣溪洞

廢定州 唐置元改定川縣今海銀場後城垣基址

猶存

騰川廢縣 通志元改置筠連州又置騰川縣為治

明一統志作元置定川縣疑騰定二字之誤原按敘

永廳志古蘭州元改騰川縣隸四川行省尋改軍民

宣撫司明洪武初改永甯長官司割筠連入敘州據

此則騰川卽今古蘭州姑存之以俟考



定邊樓 在城西遺址尙存

得勝寺 明總兵何卿勦蠻方得勝建在治南二十

里今鐵鐘神像猶存慈雲寺

三空巡檢司 治東南三十里今裁

土巡檢司 晏家坪么姑壩孔雀溪舊設土巡檢司

三員明季尙存今裁

景陽書院 治東明韓冕讀書處今圮

三筠書院 今圮

文明書院 邑侯周遐齡建今圮

錦官樓 治南十五里屯鄉西岸亞元詹紹德建今

敘州府志 卷十四

古蹟

奎

筠連 珙縣

圮

申明亭 東關會府街月吉讀法之所今圮 並縣志

玉壺井 井側有石攢起如蓮花 據通志增

珙縣

南廣廢縣 在縣西南漢置屬犍為郡蜀漢延熙中

為南廣郡治晉建武元年郡廢屬朱提郡元帝時王

遜移朱提郡來治永昌中還舊所咸康中李雄復置

南廣郡屬甯州宋齊因之隋開皇四年改置協州大

業初廢入開邊縣唐武德元年復置天寶中移於州

西南四百九十里 節通志



廢鞏州 在縣西唐置今孝兒嘴場遺址尙存故有

鞏州窩之名縣志寰宇記在戎州南二百八十里

廢播郎州 在縣西北縣志寰宇記在戎州南二百八

十七里南廣溪洞

按舊志有定州係筠連地今削

廢納州 上下羅計長官司卽納州薩州地據方輿紀要引

名勝志增

廢薩州 在縣西

廢思義州 在縣東

廢扶德州 在縣南唐置元廢入土司並縣志

敘州府志 卷十四

古蹟

案

珙縣

都甯廢縣 在縣南九十里唐置明改都甯驛今亦

廢據唐志及舊府志

按通志廢縣下引府志云在縣南九十里明萬曆

初置皆從通志此舊志載入查平都掌蠻後撫軍曾

省吾建議設官置都甯驛或驛字譌書爲縣或於

縣城中置驛大抵卽上羅廢縣附近之遺址又載

縣志云城南觀音閣萬曆三十年銅鐘款識有驛

丞查伏龍必當時領都甯驛之職者舊志驛譌作

縣於職官亦失載今並正之據此兩說是舊通志

縣當爲驛之譌信矣但置驛之處亦必係都甯縣



故址考唐志納州儀鳳二年置天寶元年改爲都甯郡乾元元年復爲納州領縣八都甯卽所領八縣之一納州卽上下羅計地則都甯亦必在羅計附近故明代於此置驛也通志引舊府志及珙縣志已疑舊志縣當作驛而不知都甯驛卽都甯縣之故地也今仍存舊通志廢縣之目而注都甯驛於下

廢羅計長官司 在縣西南元志敘南路有上羅計長官司領蠻地羅計羅星乃古西南種族宋設長甯軍十州族姓俱效順各命之官其後分姓他居遂有

敘州府志

卷十四

古蹟

七

珙縣

上下羅計之分元至元十三年內附十五年授千戶其民人散居村箐無縣邑鄉鎮下羅計長官司境近烏蠻與敘州長甯軍相接元至元十二年先率內附十三年以本部夷酋充下羅計千戶明志珙縣卽元下羅計長官司舊志下羅計堡在縣西五十里明洪武中改置調敘南衛兵戍守以控扼蠻獠景泰初羣獠叛服不一復設上羅計堡於縣南六十里增設官兵戍守今廢

走馬田 縣南七十里舊志先是彝人懸酋長之棺於巖上每聞金鼓之聲明萬歷中總兵劉顯過此聞



而異之士人以告顯馳馬田中發三矢俱中其棺金鼓遂絕人因呼爲走馬田今三矢猶存

顯惠樓 明建明劉繼先記此樓之建爲顯惠公而建也據志公宋人柳姓名光熙乾德時爲西南土巡檢使控馭諸夷部十州五衛二十九縣悉仰戴焉公歿民不能忘立祠祀之政和六年蠻酋數叛攻奪涪并神助官軍大破之於是敕封顯惠公自宋迄元世祀之蓋惟公功德在民故民不能忘也逮我朝景泰元年高琪筠戎各夷蠶起劫掠瀘州以西諸郡縣上詔都御史李公匡監察御史劉公澣督師討之諸

夷乞降獨山都長蠻叛服不常雄據土宇剽掠人民慘不可言隆慶年間尤甚民無室家之樂土有兔爰之悲顯惠公之廟祀亦因以廢墜不舉矣萬曆改元命都御史曾公省吾都督劉公顯監軍兵巡李公江光徵發川貴兵一十四萬各土府亦悉來會五月破凌霄六月拔都督各寨八月乘銳進師九月克九絲城掃其巢穴改戎縣爲興文凌霄爲建武設卡防禦興學立師而四民得以樂業乃於荒郊蔓草中訪故址舉公祠而更新之又於祠前建一樓名曰顯惠志不忘也嗚呼觀河洛而思禹功食來牟而念稷德公



之功誠大矣非得羣公以表彰之亦何以歷久而彌新哉余故詳其始末而爲之記俾後世見者知所自云

柳公堂 在縣西宋柳光熙建

光照亭 在縣治

國朝初元方記琪署大堂而外皆草舍也前令陳君於二堂前建遊廊顏以杜句之一草亭蓋仍其樸陋猶茅茨不剪之意爾顧歷時已久風雨飄搖嗣仕者遇有漏爛蓋苦以草陳陳相因蒙茸下垂每亭午視事昏昏如閭室中邑宰爲親民之官而蒞斯堂也官與

敘州府志

卷十四

古蹟

完

琪縣

民覲面隔膜熟視之若無覩者余戊寅歲杪來蒞茲土撤草亭而覆以瓦高其四楹俾無遮蔽前後左右量地掃除名之曰光照亭豈欲以爽塏者適意已乎亦庶幾後之人居斯堂臨斯民咸知有青天白日時也是爲記

勸農臺 有二一在縣北一在縣南相傳宋柳光熙遺址

上馬臺 在縣南知樂鄉相傳武侯征南遺址

俱通志

鹽水壩巡檢司 縣南四十五里地名歇馬壩今廢

茅壩城 縣南歇馬壩西北二十里今廢



杜么秦 育賢鄉一甲歇馬壩側相傳明末鐵腳板賊追趕李公子被杜么擊殺之公子獲免故名今廢銅鼓田 下羅壩田中相傳都掌蠻銅鼓淪其內夏月常有聲今無

封村 文聚鄉古封氏遺址明有封祥官行人寺正卿

白村 仁壽鄉古柏氏遺址或云棘人所居

漢村 孝友鄉相傳宋巡檢使柳光熙生此後為土

神

羅會村 相傳古羅施氏裔派所寓遺址故縣境內

敘州府志

卷十四

古蹟

七

珙縣

有上下羅計羅表羅海羅浦羅城羅藏羅通羅旺羅渡羅壩等名村中水自山孔出停為池旁一小洞洩去無迹

舊陳村 青山岩門場前一里相傳即古芒蠻營邑

之所 並縣志

南廣書院 在縣東乾隆二十八年知縣曾受一建

嘉慶十七年知縣王崇本修葺置學田 通志曾受一敘

國家右文興學百餘年來涵濡聲教凡州郡大邑莫不建書院設膏火於以長育人材用宏化導獨珙邑僻處偏隅萬山之中邑治乃政教所出僅茅屋數椽



居民零落詢所爲書院竟無有焉官斯土者將以夷漢錯處控制巖疆教非所急與抑以庶富未臻驟而語教爲躡其序與然茲地山川秀麗士多英俊稟姿茂美惜聚之無其地教之無其自人自爲師家自爲學以故人材往往不克有成又所講習者止於詞章訓誥欲其探周孔之情思得授受之心源學顏志伊明體達用則愈不可得矣菁莪之末章有云汎汎楊舟載沈載浮言人材汎汎然於草野無所依歸猶乎楊舟汎汎然於水中無所維繫也邑無人焉加意造士以致學徒散處與俗沈浮汎汎若不繫之舟罔知

所屆甚或喜新異蹈歧趨如單舸走黑洋覆溺幾無日非長吏之過而誰過與予下車數月深知多士抱美質而傷於寡就良用疚心爰與廣文先生暨諸紳士耆老議買地一區構精舍數間顏曰南廣書院選士之有志行肄業其中延名師教之予於公餘時過而切劘焉昔文翁守成都見其僻陋有蠻夷風旣遣張叔等負笈京師復建石室招俊乂就學一時文士彬彬西蜀人物之盛擬於齊魯以此觀之何地無才視在上者加意長育之而已夫萃三軍而訓練之其上焉者可爲名將之才而次亦不至於失律何者步



伐明而金鼓習也萃百工而詔教之其上焉者幾擬  
工倕之巧而次亦不至於倂規何者法度嫻而運斤  
熟也然則萃多士而磨礪之端其志業恒其功候本  
之以忠信充之以好學吾知向之汎汎中流者今皆  
檣正舵直克航大道謂猶不望彼岸以誕登而致傷  
於載沈載浮也有是理哉史稱文翁減省少府用度  
以成學舍今長吏雖無少府之入然節省俸廉捐貲  
倡首分內事也惟願邑屬士民咸無鄙吝共襄美舉  
早觀區成並置產業以供膏火用垂久遠勉副長吏  
區區進士之心幸甚幸甚新附

敘州府志 卷十四

古蹟

圭

珙縣 興文

興文縣

廢晏州

在縣西唐置領思義柯陰新賓扶來思晏

哆剛羅陽七縣

思義廢縣

在縣東思義洞下唐晏州所領縣以洞

名

並縣志

思晏廢縣

在縣境或云在晏峯下

據方輿紀要增

哆剛廢縣

在縣東南唐晏州所領宋祥符中哆剛

酋斗望猖獗卽此

縣志

廢悅州

寰宇記在戎州南二百七十里南廣溪洞

據通志增



甘泉廢縣 在縣北

據方輿紀要增

凌霄城 在縣西南一百二十里一統志宋置屬長甯軍明初屬戎縣都長蠻依為巢穴成化四年樞臣程信督兵討叛蠻別將李鑛攻凌霄城城三面峭壁不可登其南則深箐連亘數十里賊縋藤架木而巢其上鑛尋南崖而北梯崖架壑以進後山特高自高攻下遂大破賊萬厯初蠻復據險叛巡撫曾省吾討平之詔改凌霄城為拱極城縣志凌霄城在縣西南四十里

九絲城 在建武城東古都蠻世居其地城險峻不

敘州府志

卷十四

古蹟

三

興文

可登四面以絲圍之約重九兩故名明萬厯間蠻首

阿大等叛巡撫曾省吾督兵討平之

並通志

飛來塔 在縣南三十里一名白塔白石層疊而成

旁有白塔寺今廢欄砌尚存皆白石雕琢似非人力

所成

縣志

龍泉 在建武城北關外泉水甘冽一鄉田畝資其

灌溉

通志

駙馬宮舊址 在玉屏山去縣城三十里宋駙馬高

公老所駐也公老之妻為徽宗女公老知梅嶺砦後

為夷擄去妻不辱死詔贈節義族姬嘉靖初居民掘



得石獅一隻左右有濠至今基址尙存事見通志  
晏州土城 在縣西北宋政和五年晏州酋卜漏亂  
趙適討平之築土城卽此

水瀘壩廢縣 縣北十五里縣於七屬未知其名但  
存城門一洞壩中石砌街道遺跡尙存

古戎州 縣南三里明初改州爲縣今其地名舊縣  
基址街砌猶存

廢敘南衛 卽老堡城萬厯初克平九絲設建武所  
以山都六鄉屬建武安邊同知後廢是衛

武侯祠遺址 在落亥堡北金獅山相傳武侯南征

敘州府志

卷十四

古蹟

古

興文

時土人所建今考碑文則嘉靖二年都指揮丁勇建  
也

梅峯鹽井 在岱廟上殿相傳舊爲鹽井水可煮鹽  
今井口猶存

羅仲文廢樓 在毓秀鄉龍井西岸地名樓房嘴相  
傳爲平酋時同知羅仲文督糧建武建樓於此後遂  
家焉其地高可望遠樓皆柏木今圯

寫字巖 在毓秀鄉龍井溝又名鎮江巖昔人供楊  
泗將軍於此今廢巖不甚高頂石方平書有山高水  
長四字又刻有保老鄉三字人不能解今考曾公征



蠻檄有通老媒保語疑為當時通事傳語之人所居也

並縣志

### 隆昌縣

隆橋廢驛 在縣治東明初置志云縣址故屬榮昌

而為隆橋驛之地故以隆昌為名

方輿紀要

柳溝書院 縣西四十里宋李文淵建今廢

五桂亭 縣城南門內有池一區周圍百丈長橋如

虹池內有亭為明雲南提學胡克開別墅亭圮橋尚

存

並縣志

石谿亭 在縣南石谿橋左通志王士正漁洋詩話

### 敘州府志 卷十四

古蹟

七

隆昌

蜀隆昌縣地名石谿橋石壁上聖書一絕句云桃花依舊放山青隱几焚香對畫屏記得去年春雨後燕泥時汚石谿亭

國朝知縣朱雲駿為建亭徵詩鐫石題詠甚夥吳省欽

詩巴渝煙雨荔枝青曾倚蓬窗問玉屏一種詩情昵

回首石谿橋畔石谿亭杜玉林詩巴山雨後晚來青

人在圖中看翠屏燕子巢空花落盡春風依舊短長

亭露冕依依柳色青漫將詩句寫雲屏石谿橋畔知

何處回首蒼茫載酒亭查禮詩天外雲山萬古青石

谿橋畔冷苔屏落花紅雨傷春句幾度吟聲感舊亭



顧光旭詩大峩峩峯外幾峯青行盡岷江似別屏依舊  
桃花春水綠石谿人去已無亭數莖白髮奈山青秋  
雨秋風冷畫屏閒與畫莊評邑乘無名詩史石谿亭  
沈清任詩谿上春山放眼青畫闌紅燭醉銀屏鳥嘯  
花落尋常事欲結漁洋詩話亭李永祺詩雨過春嵐  
分外青何人點筆拂雲屏桃花開落空山裏惟有谿  
聲度野亭富德克進布詩風雨年年山更青畫中詩  
句落雲屏蠶叢舊事憑誰問留得乾坤一草亭高芝  
詩萬疊雲山入望青恍然身世到南屏年前殘雪梅  
花候人在孤山放鶴亭谿亭重構舊山青亭外山花  
簇錦屏極目雲天重回首故鄉五百五長亭楊潮觀  
詩小春時候草還青玉壘行人入畫屏杳靄雲山何  
處是茂林嘯鳥歇涼亭蜀道天高萬點青一山一曲  
盡如屏石谿橋畔題詩處何似臨邛春草亭吳蘩孫  
詩樓峯渺渺數峯青漱石泉飛挂錦屏芳草路迷人  
跡斷詩魂猶遶舊谿亭吳映白詩晴山新洗佛螺青  
雲態花容入錦屏攬勝最宜招客飲石谿亭是醉翁  
亭趙憲高詩葳蕤滿徑草痕青點染谿山幾幅屏名  
跡重開觴詠地右軍未許擅蘭亭段玉裁詩彩雉朝  
飛宿麥青春寒料峭入雲屏桃花流水仙源路合著



詩人一草亭臧榮青詩石谿橋畔草青青谿外春山  
列翠屏流水桃花自千古雪泥鴻爪一孤亭摩挲斷  
簡眼偏青雅集重開六六屏贏得新詩題壁滿他年  
佳話播旗亭李得舉詩谿水長流石氣青騷人吟徧  
小圍屏當年寓意憑誰問消受清風竹外亭凌夢曾  
詩阿誰詩骨斲山青零落殘篇蝕篆屏一自尙書吟  
賞後清光合並露香亭劉逢泰詩峯峯遠眺入雲青  
流水桃花遶石屏記得隆橋風物好幾時重訪舊谿  
亭四時風暖草常青蜀國雲山疊錦屏最是伊人吟  
不厭半林殘照落空亭夢裏江南一髮青五湖煙水  
做雲屏遂初時把樓峯志春雨香泥憶廢亭周成滢  
詩幾度遙山遶檻青賞音人去但空屏百年風雅須  
料理重取微言問考亭高上桂詩石谿環望四山青  
依舊桃花點翠屏佳句爭傳人已遠夕陽何處訪空  
亭徐士勳詩城南官柳總青青黛拂闌干翠鎖屏驛  
騎經過頻悵望風光不似畫烏亭元時詩芳原初見  
柳絲青細雨斜風冷竹屏我亦江山流寓者不堪回  
首是離亭楊宗岱詩雲多不碍舊山青小雨春寒濕  
翠屏橋畔有人歌妙曲相將賭句上旗亭吳浩恒詩  
攀蘿踏徧曉山青古岸橫橋入畫屏嘯鳥自來還自



去遊人指點舊詩亭無名氏詩水流采采草青青一  
片風光接玉屏春雨又開花半樹飛鴻幾度短長亭  
朱琦詩羣峯不改雨餘青題字雲迷九疊屏卻怪懷  
巢新燕子春來依舊覓空亭偶逢佳句眼還青七字  
流傳白玉屏不是吾家多好事遺踪誰訪石谿亭村  
村花柳野煙青遺墨消磨虛翠屏好傍谿山佳絕處  
更臨略約結茆亭春山長繞縣門青尙憶高齋六尺  
屏過客匆匆成潤別無緣畫壁向旗亭縣志原附

薰風樓

在縣治前通志

紫巖 明熊球未遇時於道觀坪草野得一物紫色

敘州府志

卷十四

古蹟

矣

隆昌

似石非石似鐵非鐵叩之有聲旋瘞土中乾隆二十  
五年前令于中行掘得之置署齋前榜其齋曰紫巖  
系以銘曰錚錚者鐵磊磊者石奚以完汝璞而今得  
加諸膝抑近代之玩也與自古在昔署令朱孝純過  
紫巖作攝篆曾嗟吏治紛三年踪跡亦行雲官橋辛  
苦蹶泔在楊柳依依識使君早魁當年偶作災流離  
婦子候堪哀爲憐夜禱金鵝水親見神魚跋浪來訟  
庭會此坐鳴琴松桂蒼蒼接野陰鐵柱峯前冰月在  
應知勞吏撫民心知縣朱雲駿紫巖詩卷石勢嶙峋  
蒼然立煙磴乳泉漱其根松風滿清聽何年泗濱淨



戛擊聲如磬又紫巖梅詩蕭蕭冷藥映蒼苔破寂山  
窗樹半開侵曉卷簾雲黯淡峭寒踏雪鳥遲回一枝  
遠寄江關阻上番先看歲序催雙鬢自憐同縞素春  
光次第趁人來又與家思堂坐談梅花下太守麾五  
馬迺署居士銜此邦有遺愛枉顧來紫巖梅花適盛  
放色相空塵凡音何必廢觀水不厭著鹽居士與太  
守分別惟巾衫了知第一義相對參華嚴縣志

### 屏山縣

安上廢縣 蜀典卽今屏山縣地  
詳建

廢馴州 今屏山縣地  
據地理韻編增

### 敘州府志

#### 卷十四

古蹟

堯

隆昌屏山

按地理韻編驛州浪川州皆云在屏山地亦據馬  
湖府舊境言以寰宇記所記道里計之當在馬雷  
或永善境內通志沿革說又有殷州在今宜賓西  
北與屏山接界處蓋殷州東境屬宜賓西境屬屏  
山也

馬湖故城 在縣西南季漢時置屬越巂郡晉省華  
陽國志越巂郡有馬湖縣水通棘道入江通鑑唐乾  
符二年高駢築城於馬湖鎮號平夷軍元志馬湖路  
古牂柯屬地漢唐以下名馬湖部宋時蠻主屯湖內  
元至元十三年內附後立總管府遷於夷部溪口瀕



馬湖之南岸叛府治其民散居山箐無縣邑鄉鎮領長甯軍及戎州舊志元設馬湖路分其地置長官司六曰雷波曰泥溪曰平夷曰蠻夷曰夷都曰沐川遂叛路治於蠻夷司夷都溪口之南岸後因江灘險惡舟楫多艱大德九年遷治泥溪司萬福鄉卽今治也至正元年併六司爲三二十三年明玉珍復分三司爲五明洪武四年土總管安濟歸附改路爲府復設五長官司使安氏世守其地五傳至安鼈而叛宏治九年討平之改土官爲流官按華陽國志云越巂郡有馬湖縣又在元馬湖路西

敘州府志

卷十四

古蹟

卅

屏山

白雲洞

相傳王守中調息處

俱通志

涪翁洞

縣治在縣龍關石壁下明萬曆時軍興安

邊同知汪京平道塗洞遂毀

通志

張曾敏詩石壁瞰江

流藤蘿冪烟霧古洞稱涪翁徑窄難騁步摩挲剝蘚

苔隸文數行註旨哉康節語卓然山谷句雜誦至再

三令我發深悟嗟翁瑰異曠世才被謫蜀道眇塵埃

探奇選勝偶憇此天涯爪跡何有哉後人思翁不能

置稱翁卽以稱其地蕭然石窟等甘棠一息芳踪口

碑誌太守黃公亦何賢表章名勝事雕鐫括翁生平

數語足不啻快讀瑤瑯篇遐荒一洞成雙美洞口波



流清且泚波光蕩漾是龍湖年年注入西江水新附

薛文清書室 縣東三十里後改爲公館名勝志平

夷地土最狹錯於泥溪蠻夷之中相去各四十里東

去泥溪三十里有書樓峯薛文清公瑄父爲平夷司

吏目隨任讀書於此通志張曾敏薛文清公講堂遺址

詩勝代儒宗仰大賢考亭繼起得真詮朝端建議昭

青史江上傳經散講筵筆架峯前雲漠漠書樓山畔

草芊芊幾回剝蘚摩殘碣一過遺墟一喟然新附

鳳池 縣西二十五里

清香井 在縣西半里其水帶香俱通志

敘州府志

卷十四

古蹟

三

屏山

子雲築室 在沐川司西北今存址縣志

太平石 在城東江中水涸時見石額橫書太平石

三字中兩行直書山高月小水落石出八字前書宣

德乙未雲水張三丰記縣志吳廷傑詩片石遺形在仙

靈勝蹟傳扶筇常白若永慶太平年新附

御書樓 在縣東今廢縣志

樓山書院 在書樓鄉縣志宜賓周惠建樓山書院記

龍湖郡治之東水行三十里許有山曰書樓壁立千

仞前瞰金江左排瑪瑙連珠數十峯時來珍禽間產

名花奇卉居是地者七百餘家率務耕讀不事華靡



我國朝崇儒重道用賢化理建學育才徧及遐陬洪武初開科取士如魏公正白公圭者皆生於此相繼登第著績仕版若羅君鑑楊君茂英前後十有餘人舉由歲貢發身處鄉咸有聲稱邇來風氣漸開子弟遊郡庠者日益盛歸則各就家庭肄業二三同志思欲會集講問苦無其所嘉靖己酉歲之秋太守岐南趙公應朝北上二府巖峰漆公方舟軍門奏凱文場撒棘歸遂視篆理事政暇巡行郊野以觀民風偶歷於茲士庶迎候江干公覽山川之秀覩風俗之純欣然喜動顏色顧謂諸生曰何多士濟濟而棲止之寂寥也無乃人力之不濟財用之告乏與眾曰唯唯公嘆息久之因創立書院尋縱步山麓訝而言曰茲可謂天造地設之區矣卽卜定坐向指示規模車旒旋府之明日特命生員楊一善杜希朱史和楊愈領俸五十兩協義民李堯楊一楨李崧龐寅等督理工匠誅茅闢地伐石市材版築畢興土木俱舉百工欣欣樂趨厥事首建樓二楹巍然而倚山版曰藏書仍書樓之義也樓前作講堂曰復性崇祀周程朱張五夫子堂之左右構屋六間爲文會館堂之前作樓門揭高山仰止四字於額示景賢狀勝概也門之外作石



坊翹然而臨於水題曰樓山書院書白鹿洞朱文公  
學規藍田呂氏鄉約於堂壁俾諸生有所持循而庶  
氓亦知向慕遴士中學行之優者推爲會長贍田典  
籍將次第圖之經始於是年九月旣望至十二月初  
旬門牆整麗屋宇高敞多士講習其間心目豁然深  
有意趣將來成就未可量已郡庠師友相與嘉尙斯  
舉謀立貞珉用記歲月因余嘗從事江右省闈與公  
有一日之雅以記屬之乃忘固陋勉強以應命夫書  
樓之山自有宇宙以來猶夫山也昔者草樹交密狐  
兔縱橫直荒涼寂寞之濱耳一旦遇公創此書院大

敘州府志

卷十四

古蹟

全

屏山

合俊秀游息藏修衣冠萃止燈火熒煌彷彿鄒魯之  
絃誦豈非山川靈秘氣數蘊蓄端有待於公而始發  
露之耶向使倡率無其人延伫無其地雖安於故常  
猶或可諉也今公鼓舞作興拳拳如此誠千載之奇  
逢矣諸士正宜感激奮勵爭相勸勉循文公之規遵  
呂氏之約德必欲其進業必欲其修窮而隱晦務守  
貞養高以範俗達而榮顯務行道匡時以樹勛庶不  
負公造端之盛心爾若或假詞藻爲利祿之媒寂無  
所聞甚至辱身僨事斯爲書院之羞皆見棄於公者  
也諸士可不勗之哉公高風懿行宦績休聲部使者



節有薦剡道路石碑具存信史當備書之茲不贅云

新附

遺化亭 在書樓山麓祀明郡丞吳公宗堯今圯

縣志

邑人楊養湛樓山書院遺化亭記天將開一方之風氣而啟性道之懿必先默寓意其間而爲之所逮夫時至事起以先知覺者而爲牖迪之助焉府城東五里許名曰書樓其山迢迢而來突聳一峯狀若疊書前映以三山筆架羣巒挺秀一派澄清洵奇觀也嘉靖己酉貳守曦峯漆公創建書院羣弟子居業焉丁卯歲今上龍興登序賢俊我公以賢尹績最超擢

敘州府志

卷十四

古蹟

書

屏山

少府至則約已愛人立綱陳紀而加惠後學意猶諄諄於操行焉日者公至書院諸生侍側公覽之嘆曰美哉山河淑氣攸萃非名賢不能開始也諸生對曰父老言敬軒薛先生曾講學於此緣是地多文士其先生之遺化與公曰先生爲國家昌明理學天下慕其風者咸師宗之所在皆從祀書樓旣其過化無以祀之非所以崇往哲而勸來學也於是白諸當道區畫祀典題書院正堂曰復性堂樓曰聚賢樓中置薛先生木主春秋祭丁後躬率師生詣書院行禮祭田祭器司守咸秩以度貯五經四書薛先生行實要語



於內時至院中開示諸生以性命之旨朔望令民講  
行鄉約於茲以所撰聖諭廣訓註疏給之語民以倫  
理之大未幾公尋以憂歸士民臥轍無由乃相與謀  
曰吾儕得公始聞性理之奧不能留公曷生祀之以  
祝公壽乃醵金購材卽景相地建公生祠又暨石坊  
於道題曰名賢過化之地監工生員周用杜倫楊一  
純及督工史策等以貢元楊愈所撰事來屬養湛以  
識不朽養湛仰而嘆曰生而嗣祀以昭遺愛士民報  
德之意也繁豈無地而必構祠於聚賢樓之後哉蓋  
有深意於其間也公志於希蹤先生也士民諒之深

矣豈不曰學探性命理究天人公之得於道林甘泉  
大洲三先生也非先生之契乎孔孟周程者乎是二  
公之學術同也以治心學爲務識本體爲門公之誨  
夫後學也非先生之拳拳以復性爲言者乎是二公  
之立教同也以學識爲經濟立體致用奠社稷安百  
姓爲言論是非不計利害談笑以屈妖賊之強擒土  
司之梗與處王振諸人之變大節始終均之才識智  
略之又同也同祠而祀之是思公之遺範教澤卽所  
以遠宗先生之道也噫是心也可謂能遵公之教可  
謂能自得師可以語性道矣公之化焉可誣也然則



過化之功一見於薛公變質樸而為禮文之俗再見於吳公崇禮文而全性道之懿與嗚呼二公地之相去千有餘里時之先後百有餘歲然其心同其道同其化同其祀又同此豈偶然之故哉然後知川岳之靈秀不虛生也固天將以待二公者乎二公之賢哲非獨厚也固天將以加惠湖民者乎故是舉也殆莫之為而為也夫公名宗堯字協卿別號中峩澗姚之望族占籍於滇之騰衝在湖一年頌聲交作傳記之祠祀之碑思之德望徹於上下云隆慶三年立新附

復性堂 在樓山書院內薛敬軒先生學以復性為

敘州府志 卷十四

古蹟

全

屏山

主故名

合江樓 在縣東臨二江之濱久圯

文會館 在樓山書院並縣志

聚賢樓 在樓山書院縣志邑人聶汝侂書樓懷古詩

馬湖城東東復東先儒廟食文清公公藏廿卷讀書錄皋比坐擁樓之中樓上春風兼化雨樓下名賢添幾許登樓俯瞰萬千家更覺斯樓勢軒舉斯樓自足稱書田次種科名先種賢浮葩浪藻是何物作忠作孝傲神仙神仙誰得諡文清公以入閣顯儒名見幾而作皆書味天順甲申全所生人生事業重懷抱公



言復性關世道夏絃春誦此樓中人與書樓共清妙  
樓外雪泥鴻爪留蒼茫人海任悠悠信是書香足千  
古大儒循吏聚一樓眼中不必名山大川千萬里耳  
中不必鸞笙鳳吹迎風起但願牙籤萬軸羅森森使  
我高聲朗誦書樓裏新附

秉彝書院 在屏山縣治嘉慶六年邑紳呂應周等  
捐建十六年訓導李化桂倡捐置學地

沐川書院 在屏山縣治明隆慶二年府丞吳宗堯  
重修今圯並通志

靖邊樓 治東二里嘉慶乙亥年建知縣張澍記去

敘州府志

卷十四

古蹟

七

屏山

縣治二里所有望龍山山之岬置關曰龍關俗謂之  
東關也舊有樓淪禿日久烏桕靡存余於簿書稍暇  
捐廉修之觀其層巖霞起壁岸無階隱隱削雲翼佩  
江膺水脈漂迅曩怒飛霆路不容軌牛叩馬搏石乃  
累甃醜敝神驚極良坎之形勢矣昔法孝直有言魚  
復捍關臨江據水實益州禍福之門予謂此關界限  
滇蜀控制都夷亦敘瀘之屏障也登其樓眎稜暉之  
鐫監賊繩若之源流指昌意之荒野眇隗相之平石  
尋諸葛之古渡弔姚岳之戰壘亦將幽情瀆涌壯思  
峻嶒豈徒天水長笛擲吹一聲東陽元暢妍抽八詠



哉工既竣銘諸石復爲之記

新

馬邊廳

石丈空 治東八十里通屏邑其道緣崖而上行者  
如在虛空舊刻有鑿開天險四字絕頂有洞傳武侯  
藏甲於中有鐵鎗插入石罅明陳禹謨賦石丈篇鐫  
於石壁廳志兵備陳禹謨石丈篇并序馬邊道中名石  
丈空者上題鑿開天險其巖畔有鐵鎗若干插實石  
罅相傳孔明所藏豈爾時南人矢不反遂示以韜兵  
不復用耶余時閱武過此有慨於中爰賦石丈篇來  
登石丈空天險足稱雄一時低徊留良欽蜀相風德

敘州府志

卷十四

古蹟

六

馬邊

威乘叛服南人絕內訂巖畔藏鋒鏑坦然推赤衷信  
可孚豚魚精感殊族通邈矣臥龍蹟仰止意何窮蠡  
茲遺孽在陸梁倚深叢出入詭難測籌邊急守攻龍  
湖正錯壤震鄰且震躬誰渡五月瀘載豎七擒功虎  
窟殲餘種麟閣表元戎願言各努力此日蚤橐弓李  
春先詩忽見溪頭山谷空馬嘯過處吼松風高攀遙  
睇煙雲外一體華夷効順同

烟烽城 在烟烽鎮有明萬曆十七年所鐫馬塞烟  
青四字王啟焜煙烽城雜詠溼翠青葱暝色涵空城  
寂寞籠輕嵐振衣煙草峯前立積雪連天指劔南當



年設險壘重關旌戟森羅控百蠻今日太平風景好

野棠花落古城間前明萬曆十七年平撒假楊九乍安興之叛始築煙草峯城戍兵守

之左插雲偏煙草花右遮半面抱琵琶雙雙高縮青

螺髻淡遠峩眉暈曉霞煙草琵琶城左右山名茯苓琥珀滿涼

山瀘水支流似玦環

聖代漸摩聲教遠春風先度八家蠻康熙四十三年涼山空黑租租賦乃巢業

業旁阿孤駱東明州樂路遮大羊腸嚕略納味幹田壩路引麻柳壩必了阿招八土百戶歸誠洽紀土百

戶未殲又於雍正九年歸誠不給號紙日淡風高古夜郎施家寨口接

蠻荒年年十月來山市爭買青鹽換麝香西南魑魅

昔縱橫千里連營犄角成當日木瓜羣鼠竄論功應

敘州府志

卷十四

古蹟

完

馬邊

數播州兵萬曆十六年正月撒假由木瓜龔主帥李應祥營播州楊應龍兵破之全師

輕入虎狼羣弱卒投戈勢忽紛白骨問誰馬革裏可

憐失律李將軍萬曆十五年建昌兇夷王大咱擾害議者以賦乃為大咱之後戶調兵三

千以都司李獻忠防戍九年詐降誘入涼山陷賊死焉同時守備劉繼祖指揮尹從壽俱歿方略

猶傳李廣才威聲更怖郭旗來窮西塗戲真堪笑三

寶雲梯殲巨魁參將郭成遵副使監軍李士達方略搗穴擒渠戰績居多塗戲叛酋安興

事三寶山名邊地重收不合圍書生約法怖軍威於今殘

堞蒼烟裏誰識渝州張指揮指揮諱頤南明未人以秀才從軍累功署馬邊

守備其時邊境復為蠻獠侵擾指揮悉驅之歸巢申明約禁不動干戈千山曠破子規

魂飛盡烏絨花雨昏有客分蹤尋九堡碧雲青嶂十



三墩九堡十三墩與踏蹬山河涉水湄忽驚飾物暗

中移芙蓉嶺上黃梅熟江外鱒魚上市時敘州古稱外江產鱒

魚夏日始有簌簌聲如蟹劃沙蕙蘭叢裏走香蛇蒼苔露

冷垂垂白開遍金釵石斛花青鞋布鞵一微官歷盡

崎嶇九折盤眼底蒼涼餘故壘題詩留與好山巒據通

志增

大轉處 在大灣岡萬歷辛卯欽差守備陞建昌行

都司巴渝明閣徐兆麒題鐫石

籌邊樓 萬歷十七年建在廳署側今廢

勅書樓 萬歷十七年建在煙峯城內今廢

敘州府志 卷十四

古蹟

牛

馬邊

鳴龍洞 在城中龍齡寺佛座下相傳通武侯祠等

處啓窺則陰氣逼人

金魚石 在真武山中產異石內有金色魚形攻石

者不時得之鱗甲如生金光耀燦朗然可玩

汪公路 治東十里通屏邑係明郡守汪京修成坦

道路旁石壁上有汪公路三大字明萬歷年鐫

龍虎洞 治東八十里在觀音塘傳武侯藏兵之所

魚跳沱 在蕎壩黑水河水勢白石梁注下每歲二

三月羣魚逆水跳躍而上居人乘便取之

石鐘 在迴龍鄉鐘壩之岩下懸一巨石內空約六



尺餘宛如鐘形風過拂之噌吰之聲聞數里

石筍 治西北六十餘里在鎮江廟之上漕內石根插天聳立如筍大可數抱高約五六丈上刻有嘉靖十七年等字其餘字跡漫滅不顯

觀音洞 治南五十餘里在廣華山掛燈寺之後崖半約高百丈一石洞濶丈餘洞口鑿觀音像中有白泥極細無沙可食洞上有水滴注缸內極其清冷洞深不可測初極狹纔通人中漸濶常有好事者然炬以進約數里見有木橋流水若別有一境界者舊傳通鳴龍洞未知確否

敘州府志

卷十四

古蹟

三

馬邊

藏甲洞 在武侯祠後傳武侯征南蠻時藏甲於中今閉

碧落泉 鎮城山下文昌宮殿左楹有泉夢溪題曰碧落泉後跋云泉味甘冽澄鮮瑩然可鑑舊砌傾圮繞以石欄一泓淺碧清沁詩脾暇日登臨竹爐烹試不覺兩腋風生也

洗石處 在廳署傳香畫屋南楹庭前有柑樹甚茂美夢溪任此公餘暇日學畦蒔花種竹鋤地得石高不滿三尺通身皆穴竅豎立若美人頭置於柑樹之下繞石植秋棠以水沃之作青白色是爲上品因名



之曰麻姑石並題額云洗石處憾不得米顛共爲評伯也

太平洞 在水淹壩之後岩半洞濶丈餘嘉慶八年夷徠出擾里人貯糧避處於中得以無恙

乾杉樹 在兩河汛關帝廟前枝幹挺立大數十圍人不敢伐至今稱神樹焉並廳志

雷波廳

雷波蕩 在城西參府署後形圓如規周五十餘丈瀦水清澈四時不消縣志下同

懶坎坪 在黃螂明萬曆十七年設甯戎巡檢處

敘州府志

卷十四

古蹟

壘

馬邊雷波

播州營 在牛吃水地土人鋤地得大石上鐫播州營三字按明萬曆時總兵李應祥統官兵討安興於天姑密播州土司楊應龍隨征最稱敢戰埋石處當卽其舊壘也

祛裡密 城東南五十里明將軍李應祥俘酋長安興之母楊氏處

那古壩 城東一百五十里明官兵俘獲安興之妻沙氏處

石坡羅 明官兵俘獲酋首安興處興貌雄傑力敵萬夫萬都司鼂統兵攻擒之



河全窩 雷波深處不計里明官兵擒獲酋首楊九乍處

黃毛岡 城西二百里通大小涼山爲生番出入要路雍正六年提督黃廷桂征勦生番駐兵於此

雙碑垵 城東百里一碑屹然一碑中斷倒埋土內字迹磨滅不可復識舊志雙碑垵在城東一百里蜀漢時武侯征南蠻斬雍闓立石於此以紀功誓曰後有功在吾上者立石於右宋狄青破儂智高因立石於其側爲震雷所擊原按武侯南征自安上入越嶲五月渡瀘水進征益州生虜孟獲當其時雷波故越

敘州府志

卷十四

古蹟

壘

雷波

嶺地也碑碣留遺若彼銅鼓於事理爲近若狄青破敵崑崙其遺迹多在嶺表雖智高兵敗曾竄死大理究亦未至雷波舊志所徵殊未足據但碑字磨滅不能復識爲可惜耳

卦石 在涼山內傳爲諸葛孔明所遺

卸甲坡 城西百餘里舊傳武侯征南蠻卸甲於此

百合谷 在涼山或云孟優廬居處

葫蘆山 在涼山界傳爲孟獲故窠

啞泉岡 去小涼山十五里泉水有毒人食之皆失

聲至今穴存傳以爲戒



龍洞 在錦屏山下泉自山半流出日夜不絕前衛  
守備胡漪於北門外修龍泉堰引以灌田至今民享  
其利通判南皮張擴廷詩地軸潛翻錦屏底霹靂怒  
捲蒼龍尾石破天驚白露飛懸崖湧出萬斛水虹影  
迷離雜雲氣雪光清冷兼石髓天矯倒落五百丈蜿  
蜒紆行數十里改邑何須井不窮千家萬家渥清泚  
山僧曉汲白雲裏鉢盂誤貯雙龍子歸來插花供佛  
前寺門夜半風雷起通判孫清士詩誰引龍泉出洞  
天仙城而外錦屏前半空誤認銀河落一瞥旋疑雪  
浪擅流到斷崖飛作瀑勢衝巉石亂如煙紆迴好向

敘州府志

卷十四

古蹟

畝

雷波

人間去膏潤農家萬頃田倒瀉銀河下碧峯晴天何  
事走蛟龍半空雲氣霾幽洞終古濤聲和遠松滴碎  
鄉愁疑夜雨驚回客夢誤晨鐘出山那及在山好且  
向邊城慰老農

縣志原  
附下同

垂珠洞 在錦屏山下石洞幽深寬廣如屋中塑大  
士像懸崖鍾乳滴水如珠洞左修竹數竿清風徐拂  
亦尋幽勝景也張擴廷詩古洞闢層崖登臨挹秋爽  
出城未里餘頓有紫霞想松陰波際涵苔紋壁間長  
山風吹我衣步步入幽厰仙梯漸欲窮勝迹遂堪仰  
不嫌靈窟深但覺坳堂廣石乳何時乾珠胎終日煨



梵聲墜危樓嵐影飄虛幌憑欄豁遠眸山川氣蒼莽  
孰將畫圖懸難倩荆關傲湛然上池水有似金莖沆  
深碧汲一尊心神愈開朗妙香空外生積翠靜中賞  
坐久渾忘歸隔林清磬響孫清士詩禮法拘散人端  
居類桎梏客至談洞天我心先走鹿辰興山雨晴杖  
藜至林麓仙雲知我來競捧樓臺出撥雲趨靈空小  
坐瞻平陸石壁冒空青秋色媚新綠老僧開石扉幽  
峭悅心目燒燭尋斷碑字迹了可讀暗泉何處來清  
響殷崖谷散作百斛珠大小清可掬俯仰窮幽深童  
冠偕相逐忘機憇迴欄黃梁炊已熟山秀落酒杯藉

敘州府志

卷十四

古蹟

五

雷波

以滌塵俗人生能幾時快意卽爲福何必待歸來買  
山營華屋楊步雲詩北郭仙峯快遠瞻花宮隱隱現  
莊巖崖呈怪石推神造穴滴圓珠比露霑洞口雲深  
留鶴駐枝頭花笑許僧拈不須杖策魚山遠小有天  
中妙用潛

後觀音寺 城北三里因崖爲寺寺前種竹數竿一  
溪橫繞憑窗遠眺西南諸山羅列目前爽氣可挹張  
擴廷詩蘭若藏幽崖登臨竟莫覩彎環路幾盤始見  
梵王宇院荒苔生髮洞老石垂乳舉帷嵐氣新畫壁  
丹青古危閣欲傾浮梁裊相拄開窗但雲霧被宿



惟篠莽峽斷每曠猿林深疑嘯虎驚濤西北來憑陵  
雜風雨澗底忽激蕩中有蛟龍舞小憩神已搖日歸  
道猶阻那知採樵人方共尋煙語

雷神洞 城東三里山峽中峽口有亭亭數武駕木  
橋而度洞外石梯危峻洞內塑六丁六甲神工鬼斧  
千古不磨崖前滴水成池清涼可賞左側一洞幽深  
曲折轉側隨行復出山頂之上相傳昔年龍見於此  
又其上爲老君洞初進寬濶奉眞武祖師再進則蛇  
行匍匐而入別有洞天憩坐片時萬籟俱寂山花野  
草暗拂幽香可以滌除凡慮眞天生奇境也張擴廷

敘州府志

卷十四

古蹟

矣

雷波

詩雷陽勝蹟多斯遊獨稱最梯石踏白雲穿林度青  
靄已看危逕絕賴有小橋在拾級入硿門深淺各殊  
態其堂廓有容其室峻而隘旁闢翠壁堅倒懸蒼石  
大神工謝雕鐫鬼物儷圖繪池水寒不流隙光炯欲  
碎陰風生坐隅颯颯吹衣帶探奇秉燭行偏仄更幽  
晦渾沌古未分造化蘊其內昨有大蛇出聯睛露光  
怪得毋神龍子要與風雲會南硿亦奇絕十笏蔭松  
檜上出復豁然造物眞狡獪林巒望不窮蒼翠日相  
對清虛生道心寂歷聞天籟焚香坐移時脩然塵俗

外



甯遠樓 在參署左爲城內適中之地層樓百尺上接雲霄昔人建之以培地脈再瑞芳中秋夜登樓玩月詩淨掃濃雲散晚煙異鄉同玩月華圓銀河瀉影橫千里丹桂流香下九天庾亮南樓空寄興孫宏東閣肯延賢不教辜負嫦娥面覓句裁箋未許眠張寶書詩爲惜年華等逝波南樓尋興且高歌中秋節是他鄉過對月詩偏我輩多畫角有聲聽隱約寒砧隔巷助吟哦彩箋書盡遙空寂共對蟾蜍一醉醞

迴波塔 在南關外三里塔下一溪迺廳城水口關

峽嘉慶時司馬富森保素精風鑑以水口空虛地靈

敘州府志

卷十四

古蹟

七

雷波

不聚因捐貲於溪上建橋覆以瓦屋名曰迴波橋年久朽壞後以形家言復建此塔同治中司馬楊澤溥毀去塔尖至今僅存七級

八仙洞 在牛吃水南山上排列八洞俗呼爲八仙中一洞深不可測好事者欲窮其處秉炬往觀既進覺陰氣逼人隱隱聞流水聲獸哢人迹錯雜不辨懼而返

石鐮 在牛吃水轎頂山山巔有石如鍋鍋中一石尖銳類鐮狀拔之則微動逢歲旱鄉人攜鎗礮祈雨於此立沛甘霖無不驗者



溫泉 在西蘇角地

葡萄井 在東關外三里水清見底有泡影上升纍纍然如葡萄狀

麻窩 在天姑密鄉中有瀦水濁而不清清則年歲不豐或遭夷患屢驗不爽

叮叮馬 在南關外有古石形狀如馬

石角 在烏角汛獅子崖下一石長丈許深黑色挺立如牛角狀中有一竅吹之出聲

太極石 在牛吃水東二里石穴灣環形如太極視石穴中泥沙之多寡卜來年米價之低昂

敘州府志

卷十四

古蹟

矣

雷波

海馬石 在龍湖水消則見

據通志增

南屏書院 在雷波廳治嘉慶十二年訓導鮮宗庠

建學田歲收穀二十八石嘉慶七年按察使董教增總兵張某知府淡士灝增置

通志

